

GORENG E NE E TSHWANETSE

Go Nna Modisa

♪ ...ke a fopholetsa, moreri yo o lotolotsang ka mokgwa mongwe. Mme ntengleng ga thutego, ke—ke a fopholetsa ga ke utlwale thata jaaka moreri mo bathong bangwe. Mme ga—ga ke ipolele le e leng go nna moreri, nna fela ka mokgwa mongwe ke leotwana la sepako. Fela ke ikutlwya gore ke na le Molaetsa go tswa Modimong, gore ka tsela ya me (gore tsela e le nosi e ke nang nayo go O tlisa), ke leka go O neela lefatshe. Mme fa ke ne ke sa nne le Molaetsa oo, ke ne ke tlaa bo ke le motsietsi mo Modimong le moitimokanyi mo go lona. Motho yo o tlaa buang selo se le sengwe a bo a dumela se sengwe, ke boitimokanyi. Re tshwanetse ka nako tsotlhre re bue boammaaruri go tswa pelong ya rona. Gore e re batho ba re lebelela, le ntswa ba sa dumalane le rona, re batla go nna banna le basadi ba ba tlotlegang: gore re bua go tswa pelong ya rona, seo se e leng nnete mo dipelong tsa rona.

² Ngwaga o o fetileng, kgotsa ngwaga pele ga o o fetileng, ke ne ka nna le tshiamelo ya go bua mo—mo wa Sekeresete... kgotsa intshwareleng, molaetsa wa Keresemose, fano fa Ramada. Mme ke a dumela ke ne ka bua ka serutwa, e ka ne e le fano kgotsa Phoenix, ka: *Goreng Bettelehema Yo Monnye?* Mme ke a dumela fong e ne e le fano, ngwaga o o fetileng, ke ne ka bua ka: *Re Bone Naledi Ya Gagwe Ko Botlhabatsatsi Mme Re Tsile Go Mo Obamela.*

³ Mme, lo a itse, re bala Baebele, mme re ipotsa, “*bo Goreng*” bao? Mme bosigong jono ke ne ka akanya, fa le ka intshwarela ga nnyennyane, mme la rapela le nna, ke tlaa leka go le neela molaetsa wa me wa Keresemose. Modimo a le nosi o itse kwa re tlaa bong re le gone Keresemose e e latelang, fa e le gore go na le Keresemose e e latelang morago ga ena. Jalo he e leng gore ena e ka tswa e le Keresemose ya bofelo re ntseng ga mmogo, go fitlhela re nna kwa lomating le lengwe. Mme E tlaa bo e se nngwe ya mohuta ona, fela e tlaa bo e le nako e re jang ebile re nwa selalelo sešwa le Ene, mo Bogosing jwa ga Rara kwa bokhutlong jwa tsela. Mme fong, a re go atameleng bosigong jono jaaka okare ona e ne e le molaetsa wa bofelo wa Keresemose o re tlaa tlholang re nna ga mmogo mo go one, mo bopeloephepeng jo bo tseneletseng.

⁴ Ke batla go bua bosigong jono ka serutwa se se sa tlwaelesegang, fela nako tse dingwe o fitlhela Modimo mo selong se se sa tlwaelesegang. O dira dilo ka tsela e e sa tlwaelesegang.

Eseng tsela e e tlwaelesegileng, ke tsela e e sa tlwaelesegang, dinako tse di sa tlwaelesegang, ditiragalo tse di sa tlwaelesegang, Ene ga a tlwaelesega. Mme ke batla sena... Morena a ratile, ke batla go bua ka serutwa sa: *Goreng E Ne E Tshwanetse Go Nna Modisa.*

⁵ Mme jaanong fela pele ga re atamela Lefoko, le ke dumelang gore leo ke Modimo, "Ko tshimologong e ne e le Lefoko, mme Lefoko le ne le na le Modimo, ebile Lefoko e ne e le Modimo. Mme Lefoko le ne la dirwa nama mme la aga mo gare ga rona."

⁶ Jaaka ke buile, beke e e fetileng, kgotsa beke pele ga e e fetileng ko Phoenix, "Go supilwe gore go na le banni ba lefatshe lena, batho, ba ba raletseng kago ena jaanong." Thelebishine e supa seo. Go mo legatong le lengwe, matlho a rona a tlholego le dikutlo tsa rona tse tlhano ga di kake tsa kapa seo. Ga se gore thelebishine e dira sepe, yone e fetisa fela. Ga o kake wa sutisa monwana wa gago, ga o kake wa bebentsha leitlho la gago, fela go supiwa gore go gatisedsitswe ruri. Ke ka tswa ke eme... Kgotsa monna ko Australia, a ka nna le se—sekirine sa thelebishine fano, eseng fela moo fela mo—monna a ka kgona go bua, a sutise monwana wa gagwe, a bebentsha leitlho la gagwe, kgotsa le e leng mmala wa diaparo tse a di apereng, go tlaa supegetswa fano mo lemoteng; mme a le ko Aforika, Australia, go dikologa lefatshe. Lo a bona, go na le poeletso ya ditiragalo tsa makhubu a mowa wa loapi. Ga ke kgone go go tlhalosa, fela ke a itse go teng. Ga ke akanye gore ope a ka kgona tota go go tlhalosa. Jalo he, thelebishine e ka tsaya sena mme e se dire boammaaruri ka didiriswiwa dingwe, gore ba kgone go go bonatsa mo lemoteng.

⁷ Jaanong, selo se se tshwanang seo se ne se le fano nako e Atamo a neng a le fano. Thelebishine e ne e le fano nako—nako e Elia a neng a ntse mo Thabeng ya Karamela. E ne e le fano nako e Martin Luther, moperesiti yo mmotlana yoo, a neng a latlhela selalelo mo bodilong a bo a re, "Ke kosher! Mme basiami ba tla tshela ka tumelo." E ne e le fano ka nako eo, fela rona re fetsa go e bona jaanong. Mme go jalo ebile, gore mo pele ga rona bosigong jono go na le Modimo, Baengele, ditshedi tsa bofetatlholego tse di sa bonweng ke kutlo ya rona ya tlholego ya pono. Fela motlhamongwe go tlaa nna boammaaruri fela jaaka thelebishine e ntse jaanong, ebile go le mo go tlwaelesegileng fela. Jaanong, moo ke sone se ke dumelang Lefoko.

⁸ Jesu o ne a re, "Manng le mang yo o tla oketsang lefoko le le lengwe mo Baebeleng ena, kgotsa a tseye Lefoko le le lengwe mo go Yone, karolo ya gagwe e tlaa tlosiwa mo Bukeng ya Botshelo."

⁹ Jalo he, a re obeng ditlhogo tsa rona ka nako e, pele ga re bile re Le bala. Go masisi thata! Motho ope yo o nang le nonofo ya mmele a ka menolola tsebe, fela ke Modimo fela a ka Le senolang.

¹⁰ Mme ka ditlhogo tsa rona di obetswe jaanong ntlheng ya lerole kwa re tserweng gone, mme motlhamongwe re tla boelang gone, ke a ipotsa . . . Mme mo motsotsong ona o o masisi, jaaka re atamela Keresemose, fa e le gore go na le bangwe teng fano ba ka nnete ba ikutlwang ba sa tshwanelwe mme ba tlaa rata go gopolwa ka thapelo ena, a o tlaa (o sa tsholetse tlhogo ya gago) tsholeletsa fela diatla tsa gago ko Modimong mme o re, “Nkgopole, Morena, Keresemose ena”? Modimo a go segofatse.

¹¹ Rara wa Legodimo yo o Boitshepo bogolo le yo o Tshwaro, Modimo Mothatiotlhe, Ene yo o neng a tswa ko tshimologong, pele ga go nna le naledi, kgotsa athomo, kgotsa molekhule. O ne wa dira dilo tsotlhe ka Jesu Keresete Morwao, mme wa re naya dilo tsotlhe mahala mo go Ene. Re a Go leboga, bosigong jono, Morena, ka ntlha ya tshono ena e O re e neileng go phuthega ga mmogo, go tlhagisiwa le go rutwa ke Mowa o o Boitshepo. Mme Mowa o o Boitshepo o tsaya Mafoko a Gago o bo o A re senolela, gonne Jesu o rile, “Mogang Ene Mowa wa Boammaaruri o tsileng, O tlaa le gakolola dilo tsena tse Ke di buileng mme gape o le bontshe dilo tse di tshwanetseng go tla.”

¹² Modimo, ga go a le mongwe mo gare ga rona, ebile ga go a le mongwe mo lefatsheng, yo o tshwanelwang go phutholola Lefoko la Gago, gonne go kwadilwe gore, “Lefoko la Modimo ga se la phuthololo ya sephiri.” Ke gone ka moo, Morena, re rapela gore Mowa o o Boitshepo o tlaa re neela bosigong jono, mongwe le mongwe le mongwe le mongwe ka bonosi, kabelo e re e tlhokang go thethebatsha tlala e e mo pelong ya rona gore re nne le mosepele o o gaufi Nao. Ga re a lekana, ga re phepa, ga re a tshwanelwa. Mpe Ngwana yo o neng a tsalwa ko Bettlelehema, yo o neng a tshela botshelo jo bo itekanetseng bogolo, ebile e ne e le motho yo o itekanetseng a le nosi mo lefatsheng, mme a Intsha serekololo gore A tle a itshekise rona baleofi ba ba itshekologileng le go re tlisa mo botsalanong le Rara, dumelela bosigong jono gore Mowa wa Gagwe o o Boitshepo (ka theroy a Lefoko) o tlaa re direla seo.

¹³ Morena Modimo, go ba le bantsi ba ba lwalang mo lefatsheng gompieno, mo pele ga melemo e e gaisang bogolo e re kileng ra alafa ka yone, le melemo e e gaisang bogolo le dikokelo tse di gaisang bogolo. Mme ntswa go le jalo mo dipatlisisong tsa rona tsotlhe tse ditona tsa maranyane, le fa go ntse jalo go na le bolwetsi jo bantsi go na le jo lefatshe le kileng la bo itse, ka gore go na le boleo jo bantsi le tumologo go na le e lefatshe le kileng la e itse. Re thuso bosigong jono, Ngaka e Kgolo, mme o fodise balwetsi ba ba leng mo gare ga rona.

¹⁴ Mme re neye Mowa, Mowa wa nnete wa Keresemose. Fa gompieno . . . gore nako e meletlo ya boheitane, ditlhare tsa Keresemose di obamelwang, dipolelo tsa dikanane tsa monna a bitswa gotwe Santa Claus, le ga mebutla ya rona ya Paseka, le difeshene tse di farologaneng tse lefatshe la papadi le remeletseng mo go tsone, mma go beelwe ko thoko, Modimo.

Mpe re tsene mo go Keresete Lefoko, gonne re go lopile ka Leina la Gagwe le ka ntlha ya kgalalelo ya Gagwe. Amen.

¹⁵ Fa le ka bula le nna ka ntlha ya go bala mo Lekwalong le le Boitshepo, Moitshepi Luka, kgaolo ya bo 2. A le kgona go nkultwa pila?

A go na le phetogo modumo epe mo dikapamantsweng? A le kgona go nkutlwka morago pila? Fa o kgona, tsholetsa seatla sa gago. Ke a go leboga. Kgaolo ya bo 2 ya Efangedi go ya ka Moitshepi Luka.

Mme go ne ga diragala mo metlheng eo, gore go ne ga tswa taolo kwa go Kaesare Agosetose, gore lefatshe lotlhe le tshwanelwe go kgethiswi.

(*Mme lekgetho lena le ne la itsisiwa la ntlha... e ne e le molaodi wa Siria.*)

Mme botlhe ba ya go kgethiswi, mongwe le mongwe a ya kwa lefatshing la ga gabo.

Mme Josefa le ene o ne a tlhatloga a tswa kwa Galilea, mo motsing wa Nasaretha, a ya kwa Judea, ... motse wa ga Dafita, o o bidiwang Betlelehema; (ka a le wa kgotla le wa losika lwa ga Dafita:)

A ya go kgethiswi le Marea mosadi yo o mmeeditseng, a neng a le moimana thata.

Mme ga diragala, gore, ya re a sa le gona, malatsi a go fitlha gagwe a o tla belegang ka ona.

Mme a bona morae wa leitobolo, mme a mo phuthela ka dihapo tsa matsela, mme a mmaya mo bojelong jwa dipitse; ka gonne go ne go sena bonno mo ntlong ya baeti.

Mme jaana ga bo go le badisa mo nageng yone eo ba nna kwa nageng, ba disitse matsomane a bone bosigo.

Mme, bonang, moengele wa Morena a ema fa go bone, le kgalalelo ya Morena ya phatsima ntlheng tsotlhe tsa bone: mme ba boifa ka poifo e kgolo.

Mme moengele a ba raya a re, Se boifeng: gonne, bonang, ke tlisitse...mafoko a a molemo a boitumelo jo bogolo, jo bo tla diralelang batho bothe.

Gonne gompieno mo motsing wa ga Dafita le tsalestswe Mmoloki, yo e leng Keresete Morena.

Mme sena e tla nna sesupo mo go lona; Le tla fitlhela ngwanyana a phuthetswe ka dihapo tsa matsela, a letse mo sejeleng sa dipitse.

Mme ka tshoganetso ga bo go le...Mme ka tshoganetso ga bo...le moengele bontsintsi jwa... lesomosomo la legodimo ba baka Modimo, mme ba re,

Kgalalelo e nne go Modimo kwa bogodimodimong, le mo lefatsheng go nne kagiso, bopelonomo mo bathong.

Mme ga diragala, erile baengele ba sena go ba tlogela ba ya legodimong, badisa ba raana ba re, A re yeng fela jaana kwa Betlelehema, mme re boneng selo sena se se diretseng, se Morena o se re itsitseng.

Mme ba tla ka potlako, mme ba fitlhela Marea, le Josefe, le ngwanyana a letse mo sejelong sa dipitse.

Mme ya re ba sena go bona, ba itsise mo ntlheng tsotlh lefoko le ba le boleletswang ka ga ngwana yo.

Mme botlhe ba ba utlwang ba gakgamadiwa ke dilo tse badisa ba di ba bolel Lang.

Fela Marea a boloka dipolelo tsotlh tsena, a di akanya mo pelong ya gagwe.

Mme badisa ba boa, ba galaletsa ebile ba baka Modimo ka ntlha ya dilo tsotlh tse ba di utlwileng le tse ba di bonyeng, jaaka ba boleletswe.

A Morena a tsenye ditshegofatso tsa Gagwe mo palong ya Lefoko la Gagwe.

¹⁶ Jaanong, keti... Goreng tiragalo e kgolo ena e ne e senolelw badisa? Moo e tlaa bo ka mokgwaa mongwe e le selo se se gakgamatsang mo go rona. Ke na le Dikwalo dingwe di kwadilwe fano, le dintlha di le mmalwa tse ke tlaa lekang go di ralala, go le tlhalosetsa gore *goreng* go ya ka bojotlh jwa kitso ya me. Mme gongwe fong morago ga sena, gore Morena ka letlhogonolo la Gagwe, bosigong jono, o tlaa tlosa *bo goreng* mo go rona. Fela a... Bontsi jotlh jwa rona, ke a gopola, ka nako nngwe kgotsa e sele, re ipoditse gore goreng tiragalo ena e kgolo go gaisa ya metlha yotlh e ne e senolelw badisa. Goreng Go ne go senolelw badisa mme eseng baithuti ba bodumedi ba motlha oo? E ne e le bone ba ba neng ba katiseditswe go Go utlwa. Mme goreng go ne Go tla go bo go fapoga bahumi, mme go tla ko bahumaneging? Gape, goreng Go ne go fapoga barutegi le batlhalefi, go bo go tla ko go ba ba ikobileng le ba ba sa rutegang? Go na le dipotso di le mmalwa tsa *goreng* mo go sena.

¹⁷ Mme lebaka le lengwe nka nnang ka le bua, lemogang, ngwanyana o ne a tsalelw ko Betlelehema. E leng gore Betlelehema ka phuthololo ya Sehebera, jaaka re nnile nago dingwaga di le mmalwa tse di fetileng fano, *Betlelehema* o raya “ntlo ya senkgwe sa Modimo.” Mme re rurifaditse mo Dikwalong, O ne a sa kgone go tla lefelong lepe le sele. Betlelehemao ne a theiwa ke Rahabe le monnna wa gagwe—wa gagwe. Rahabe e ne e le seaka se ramasole a neng a se ferea, go tswa mo se—sesoleng sa Iseraele, morago ga ba sena go tsaya Jerikho. Mme ka tumelo o ne a dumela Molaetsa wa Modimo, mo seemong sa gagwe, mme o ne a bolokwa. Mme go tloga foo, erile

Joshua a ne a kgaoganya mafatshe a kwa mongwe le mongwe a tlaa nnang gone, . . .

¹⁸ Mme go na le thuto e kgolo e nako nngwe ke solo felang go kgon a go e tlisa ko Tucson, ya bommê bao ba Bahebera ba belega masea ao. Eri le a fegelwa fa motlot seding wa losea, o ne a bitsa leina la losea mme moo go ne ga mmaya mo man nong mo lefatsheng le le solo fedit sweng, letso la gagwe. Selo se segolo, Lefoko lotlhe la Modimo le nyalana gone ga mmogo. Fa le sa nyalane ga mmogo, ga se Lefoko la Modimo le le sa nyalaneng, ke kakanyo ya gago e e sa nyalaneng le Lefoko. Lone lotlhe le nyalana ga mmogo.

¹⁹ Jalo he, fong, O ne a le Senkgwe sa Botshelo, jaaka re rutile beke e e fetileng ko Phoenix, kgotsa beke pele ga e e fetileng. Mme a leng Senkgwe sa Botshelo, O ne a ka se tle ko lefelong lepe fa e se “*ntlo ya senkgwe sa Modimo.*” Mme moo e ne e le *goreng*. Jaanong, fano, Jesu o tsetswe ko Bettelehema, mme mo Bettelehema go ne go na le sinagoge, baeteledipele ba batona ba ba sedumedi ba ne ba nna mo Bettelehema. Dafita kgosi ya modisa e kgolo o tsetswe ko Bettelehema, rraagwe Jesse o tsetswe ko Bettelehema, rraagwe mogolo Obede o tsetswe ko Bettelehema. Gape, tsela yotlhe go ya ko morago, o ne a tswa ko Bettelehema.

²⁰ Mme fano, Jesu Morwa Dafita o tsetswe ko Bettelehema, gone mo tlase ga meriti ya dikago tse ditona tsa kobamelo. Fong fa batho bao ba katisitswe, e bili ba ne ba ntse ba solo fets Mesia dingwaga tsotlhe tsena; dingwaga di le dikete tse nne, Mesia o ne a porofetilwe gore a tle. Mme fong fa Mesia a tsalelwa mo moriting wa kago ya kobamelo, goreng ba ne ba tshwanela go ya kgakala ko morago ko dithabeng ko segopeng sa badisa ba ba sa rute gang, ba ba sa katisiwang go tlisa Molaetsa o mogolo, Molaetsa wa ntlha? Mme a roma badisa! Eseng batlhalefi le ba ba katisit sweng, fela badisa. Ke selo se se gakgamatsang, a ga se sone? Fela go tshwanetse go nne le *goreng* golo gongwe . . . Go na le *goreng*, jaanong go tshwanetse go nna le karabo gore goreng! Mme ga go motho yo o itseng karabo fa e se Modimo. Ke Ene yo o itseng karabo.

²¹ Jaanong, gakologelwang, Mesia o ne a setse a le mo motsing, a tsetswe mo motsing, mo setaleng; gone go bapa le dikago tsa kobamelo tse ditona kwa moperesiti yo mogolo . . . le baperesiti ba batona, le baithuti ba bodumedi, le batlhalefi, le ba ba katisit sweng, bottlhe ba ne ba le teng ba letetse Mesia. Mme ke yoo O ne a le teng, gone mo gare ga bone! Fela goreng ka nako eo ba ne ba ya ko di . . . ko ntle ko dithabaneng tsa Judea ko go ba ba sa rute gang, ba ba sa katisiwang, ba ba sa tlhabologang, ba ba humanegileng go feta bottlhe? Ne a le bega e le motho yo o sa lekanelang bogolo ka ntlha ya tiro eo, go senola Molaetsa a bo a ba romela ko ntle go tlisa Molaetsa.

²² Lo itse mogopolo wa me? O ka tswa o sa nne mo gontsi thata, fela ke batla go fetisa mogopolo wa me: Ke a dumela ke ka ntlha ya botlhale jwa Modimo, gore O ne a itse gore ba ne ba sa tle go amogela Molaetsa o o ntseng jalo tsela e O tlang ka One. O ne o se mo tatsong ya thutego ya bone. O ne o farologane. E ne e se ba ntseng ba katisitswe go dumela gore O tlaa nna jaaka sone. Go ne go ganetsenya le tlhaloganyo ya bone ya thuto bodumedi. Katiso yotlhe ya bone, thutego yotlhe ya bone e ne ya fapogiwa, ya fetoga lefela. Ke a dumela e ne e le botlhale jwa Modimo jo bo neng bo itse gore ga ba tle go amogela Molaetsa o o ntseng jalo.

²³ Jalo he Mesia o ne a le fano, mme go tshwanetse go nne le mongwe go O lemoga. Mme O ne a itse bao ba ba neng ba sa tlhakatlhakana mo dilong tse di ntseng jaaka tseo. O tlaa bo a kgona go gaisa go isa molaetsa wa Gagwe ko setlhopheng se sa rutegang, go na le jaaka A tlaa nna mo setlhopheng se se tlhakatlhakaneng se se neng se kgwaraletse thata mo ditseleng tsa bone gore ne go se sepe se se neng se kgona go ba sokolola, le sang Lefoko la Modimo.

²⁴ Mme jaanong, tsala ya Mokeresete, mpe ke botse potso ena, ka bopelophepa jotlhe le lorato. Ke ipotsa fela fa e le gore O tlaa dira kgato e e tshwanang bosigong jono, mme a re romelele mo kokomaneng ena Lefoko la tsholofetso le le solofeditsweng kokomane ena, ke a ipotsa fa e le gore baithuti bodumedi ba rona, le barutegi, le batlhalefi, ba ka se tle go gana Molaetsa go tshwana fela jaaka ba dirile ka nako ele? Motho ga a fetoge, le Lefoko la Modimo ga le fetoge. Ene ke Modimo yo o sa fetogeng, Ga a fetoge!

²⁵ Lemogang, Baengele ba tla ba bo ba . . . Baengele ba tla ba bo ba neela Molaetsa wa bone motho wa seemo se se ko tlase ga kalo, fa go ne go na le banna koo ba thata (ba neng ba gopolwa mo lefatsheng) ba neng ba tshwanelwa go na le badisa bana ba ba humanegileng, ba ba sa rutegang. Modisa e ne e le yo o sa rutegang go gaisa go na le ope, o ne a sa tlhoke go itse sepe fa e se fela ka ga dinku tsa gagwe. O ne a sa tlhoke go itse dipalo. O ne a sa tlhoke go itse go—go aroganya athomo. O ne a sa tlhoke thutego epe. O ne fela a tshwanetse go itse dinku tsa gagwe, moo ke gotlhe mo a neng a tlhoka go go itse. Mme Modimo, Botlhale jo bogolo, le Motswedi le thata ya botlhale jotlhe, ne a tlaa tlhopha motho yo o ntseng jaaka yoo (batho, ke raya moo, jaaka bao), a bo a fapoga barutegi botlhe ba ba katisitsweng sentle ba ba katiseditsweng go itse Seo. Go bua selo se le sengwe, gore ba ne ba katisitswe mo madirelong a e seng one. Go feta ba ba botlhokwa botlhe ba lefatshe; go ne go na le batho ba ba botlhokwa, baruti ba batona, Kaifase moperesiti yo mogolo, banna ba le bantsi ba bangwe ba batona, barutegi botlhe ba Iseraele ba ba nonofileng, makoko otlhe, le baithuti ba bodumedi botlhe ba ba ikgantshang, Modimo o ne a fapoga mongwe le mongwe wa bone! Jaanong, moo ke botlhale jwa Modimo.

²⁶ Lemogang, Magodimo a a kwa Godimodimo a itlhaganelo go tlhompha ba ba ikobileng bogolo le ba ba sa rutegang ba lefatshe. Mogodimodimo wa Legodimo o ne a fologa go Ikitsise ba ba ko tlase go feta ba lefatshe, a fapoga botlhe fa gare go Ikitsise badisa ba ba nyatsegang; a tla go naya badisa bana ba ba nyatsegang Molaetsa o mogolo go feta wa dinako tsotlhe. Go ne go ntse go na le barongwa ba le bantsi ba batona. Re tlaa akanya ka ga mo nakong ya ga Noa, le baporofeti, le—le baperesiti ba batona, le jalo jalo, ba ba nnileng teng mo metlheng e e fetileng. Banna ba batona ba ba rutegileng, dikgosi, bathati, babusi, fela ke yona O tla ka o mogolo go feta wa Melaetsa yotlhe. Molaetsa e ne e le eng? “Mesia o fano jaanong!” Lo a bona? Mme go itsise seo, O ne a fapoga botlhe ba ba katisitsweng, go go itsise badisa ba ba ikokobreditseng.

²⁷ Akanyang ka ga gone: botlhe ba baruti ba banna, botlhe ba banna ba kereke, botlhe ba baruti, gotlhe ga ka—katiso ya thuto bodumedi, madi otlhe a neng a dirisitswe, dikereke tsotlhe, le dithuto, le makoko, go ne ga fapogiwa gotlhe! Thutego yotlhe e ba neng ba e dirisitse mo ba—baanamisa tumelong botlhe, le go sokolola gotlhe, boloko jotlhe, le sengwe le sengwe se ba neng ba akantse gore ba ne ba se dirile tlhompho mo Modimong, etswa Molaetsa wa konokono wa gotlhe ga gone o ne wa ba fapoga. Go a gakgamatsa! Goreng? Lo a bona?

²⁸ Mme lemogang, eseng fela moo, fela lefelo le le belaesegang bogolo la tiragalo e e ntseng jalo. Badisa, jaanong, e ne e le bone ba ba amogetseng Molaetsa. Mme jaanong lemogang kwa Molaetsa o neng o le gone: mo lefelong le le belaesegang bogolo le ope a tlaa solofelang gore O tle. Mme ke a ipotsa, bosigong jono, fa e le gore re ne re soloftse Molaetsa wa nneta wa Morena Jesu, ke a ipotsa fa e le gore O tlaa bo o le mo setlhopheng se se belaesegang, lefelo le le neng le . . . le lefatshe le legolo, le le tlhabologileng thata le kereke gompieno e tlaa akanyang gore e ne e le segopa sa—sa, ao, baikeodi? Ke a ipotsa fa e le gore moo ga e tle go nna kwa re tlaa Mmonang gone? Lefelo le le belaesegang bogolo, le mo dibuing tse di sa tshwanelegeng bogolo. Badisa ba ne ba sa itse sepe ka ga go bua, fa e se go bitsa dinku; sentle, gongwe ke sone se O tlileng.

²⁹ Fela go ne go na le Lefoko le le soloftsweng. Lemogang, go ka dira seo gape.

³⁰ O ne wa fapoga batlotlegi botlhe ba lefatshe. O ne wa fapoga batlotlegi botlhe, mme wa senolelwaa boesemang. Batlotlegi botlhe ba ba neng ba kgabisitswe ka—ka bomodimo jwa ngaka jo bogolo le—le saekholoji, le—le dithuto tse di ko godimo, le dikago tse ditona tsa kobamelo, gotlhe go ne ga fapogiwa mme ga senolelwaa boesemang. Bothale, bothale jo bo senang bolekango jwa Modimo Mothatiolhe bo go dirile, go ba itsise Molaetsa o mogolo go feta o o kileng wa nna teng, “Mesia jaanong o mo lefatsheng.” A bothale! Go ka tswa fela ko Modimong yo o

itseng botlhale! Botlhale jotlhe le go rutega gotlhe, le sengwe le sengwe, se ne jaanong sa senngwa gotlhelele mme ga fapogiwa ke botlhale jo bogolo jwa Modimo. Ke tswelela ke boeleta seo ka gore ke batla go tsenele ko teng thata. Gotlhe go ne ga senngwa gotlhelele, go ne go sena mosola. Ga go fapoga gotlhe go lettelela botlhale jwa Modimo bo tswelele, gore Modimo o tsaya boesemang go dira sengwe.

³¹ Re ka ema fano mme ra bua ka ga Johane. Re ka ema mme ra bua ka ga Elia. Ga go ope yo o itseng ko Elia a tswang gone. Gotlhe mo ba go itseng, o ne fela a bonala mo tiragalong. Baporofeti ko morago go ralala dipaka, e ne e le boesemang. Fela Modimo o ne a tsaya seo go . . . mme a faposa ga ma—ga maitseo a kereke, le dithuto, go dira . . . supa gore Ena ke Modimo. O tsaya sengwe se e sang sepe, go dira sengwe ka sone. O supa bothhale jwa Gagwe le Bomodimo jwa Gagwe ka go dira jalo, gore O tsaya boesemang. Erile lantlha A dira motho, O ne fela a tsaya kgwethe ya mmopa a bo a dira motho ka yone. Fa e neng e se sepe fa e se mmopa, fela O ne a dira motho. Mme Modimo o tsaya boesemang jaanong, go dira sengwe ka bone. Mme fa fela re akanya gore re sengwe, go raya gore ga re kake ra diriswa mo seatleng sa Modimo. Re tshwanetse re lebale gotlhe mo re kileng ra go itse kgotsa ra go ithuta. [Mokaulengwe Branham o kgosola kgokgotso ya gagwe—Mor.] (Intshwareleng.) Jaaka Moitshepi Paulo yo mogolo, o ne a re o ne a tshwanela go lebala gotlhe mo a kileng a go ithuta, gore a tle a itse Keresete.

³² Thutego yotlhe ya bone, dithuto tsotlhe tsa bone le jalo jalo, di ne di ba direla mo go maswe. Gone kgabagare go ne ga Mo itatola! Yone thutego e ba neng ba nnile nayo *ka ntlha ya Gagwe*, go Mo dumela, e ne ya retologa mme ya fetoga mmaba wa Gagwe yo o tlhoafetseng bogolo, ya bo e Mmapola!

³³ A lo itse gore ditso di ipoeletsa gangwe le gape? Ke ntlha e e lemogilweng. Go ka diragala gape gone fa thoko ga rona. “Ao,” lo a re, “Fa ke ka bo ke tshedile ka nako eo, . . .” Sentle, jaanong, fa o batla go itse se o ka bong o se dirile ka nako eo, lebelela seemo sa gago sa ka jeno jaanong; mme o ka bona se o ka bong o se dirile ka nako eo, ka gore gone ruri go a senola.

³⁴ Ba katizeditswe go dumela Lefoko la Gagwe, mme fong fa Lefoko la Gagwe le ne le rurifatswa mo pele ga one matlho a bone, ba ne ba fetola Lefoko le le neng la dirwa thurifatso. Erile Modimo a netefatsa se A neng a tlaa se dira, ebole a bua se A neng a tlaa se dira, a bo a netefatsa se A neng a tlaa se dira, fong ba ne ba retologa mme ba bitsa monna yona “mowa o o bosula” (mo go neng ga ba hutsa botlhe). Akanya ka ga se se diragetseng! Akanya ka ga se se ba bakileng; katiso ya bone e ba bakile gore ba sek a ba lemoga lone Lefoko le dirilwe nama la motlha wa bone; yone katiso e ba nnileng nayo mo dikolong tsa bone, ka jone bojotlhe jwa baruti.

³⁵ Mme lwa re, “Sentle, re ne re ka seke re dire seo gompieno.” Baruti ba bone ba ne ba le bagolo go gaisa thata go na le ba rona gompieno (botoka thata, ke raya moo, mo baruting ba rona), mme ba ne ba palelwa. Ba ne ba sena makgotla a a farologaneng a le makgolo a ferabongwe le masome a a ferang bongwe le borataro jaaka re na nao gompieno. Ba ne ba na le go ka nna a le mararo. Mme borarong, latedisang boraro jo, mme ga go lepe la boraro le le Go lemogileng! Go ya go supa fela gore se motho a se dirang ke boeleele mo Modimong. Lo a bona?

³⁶ Jaanong, ba ne ba palelwa ke go Go lemoga. Jaanong . . . Mme ba tlaa dira selo se se tshwanang gape.

³⁷ Motho . . . Maikaelelo a siame, one a tlhola a siame. Mme motho ga a ke a fetola boitshwaro jwa gagwe, ga a ke a fetola ditsela tsa gagwe thata; ke bua ka ga motho wa lefatshe. Motho o tlhola a baka Modimo, motho yo o bodumedi, ka ntliha ya se A se dirileng, mme o tlhola a supela batho ko go se A ileng go se dira, mme fong a tlhokomologa se A se dirang! Lo a bona? Moo ke motho fela, o dirilwe ka tsela eo, o tlhotse a ntse ka tsela eo. Mme lona babadi ba Baebele bosigong jono lo itse gore moo go ka fa Lefokong, “ke gone.” Bone ba tlhola ba bakela Modimo se A se dirileng, ba bua se A tlaa se dirang, mme ba tlhokomologa se A se dirang. Moo fela ke temalo ya motho.

³⁸ Lebaka le ba dirileng sena, baruti, go ya ka mogopolo wa me jaanong: ba ne ba phutholotse Lefoko, ka gore bone botlhe ba ne ba dumetse mo go Mesia yo o tlang. Iseraele yotlhe e ne e go dumela, ba a dira le gompieno. Fela lebaka le ba sa *Mo lemogang*, Molaetsa wa Gagwe o ne o se ka fa seelong sa bone sa kereke. Bone . . . phuthololo ya bone e ba neng ba nnile nayo ya Lefoko, Mesia o ne a ise a Iponatshe ka tsela e ba neng ba phutholotse gore O tlaa go dira. Jalo he, mme ka moo, ga ba a ka ba *Mo lemoga* ka gore Go ne go tshwanele phuthololo ya bone. Jaaka ke buile pele, mme ke bua gape, “Modimo ga a tlhoke ope go phutholola Lefoko la Gagwe. Ene ke Mophutholodi yo e Leng wa Gagwe.”

³⁹ Jaanong, Baebele ya re . . . Mpe ke le netefaletseng jaanong gore moo ke Boammaaruri. Isaia moporofeti, dingwaga di le makgolo a supa le lesome le botlhano pele ga mona go diragala, Isaia moporofeti o ne a re, “Kgarebana e tlaa ithwala, mme e tlaa tsala ngwana.” Ga go na pelaelo gore mongwe le mongwe mo pakeng eo o ne a akantse gore morwadie e tlaa bo e le mosadi yoo, ka gore Isaia o go buile. Fela, lo a bona, e ne e le dingwaga di le makgolo a supa morago. Fela erile . . . Modimo o ne a sa tlhoke ope go phutholola Lefoko la Gagwe, nako e A tlaa go dirang, kgotsa ka fa A tlaa go dirang ka gone. O ne a re O tlaa go dira, mme O ne a go dira!

⁴⁰ Modimo o ne a solofetsa gore O . . . ka ko go Isaia, gape, ke a dumela kgaolo ya bo 28, go ka nna temana ya bo 18. Mme gape mo go Joele 2:28, gore mo metlheng ya bofelo, dingwaga

tsa bofelo di le dikete tse pedi, O tlaa tshollela Mowa wa Ggawe mo nameng yotlhé. O ne a re, “Barwa le barwadia lona ba tlaa porofeta. Makawana a lona a tlaa bona diponatshegelo. Banna bagolo ba lona ba tlaa lora ditoro.” Le dilo tse A tlaa di dirang, Isaia o ne a re, “Ka dipounama tse di korakoretsang le diteme tse dingwe Ke tlaa bua le batho bana, mme mona ke Boikhutso.” Fela ba ne ba sa rate go Go utlwa. Ba ne ba tshikinya ditlhogo tsa bone ba bo ba feta fa go Gone. O ne a re, “Dimati tsotlhé tsa Modimo di tlaa bo di tletse matlhatsa, mme go tlaa bo go se sepe se se phepa.” Mme fa moo e se setshwantsho sa Jerusalema, le kereke ya mothla oo kwa go tleng ga Mesia, ke setshwantsho gompieno go tshwana. Gone fela go a ipoeletsa.

⁴¹ Jaanong, fa Modimo a re O tlaa dira selo, O ne a se dira. Go sa kgathalesege se ope o sele a akanyang ka ga sone, se ope a se buang, fa Modimo a bua sengwe, O tlamegile go phutholola Lefoko leo ka Boene. Mme thurifatso ya Gagwe ya Lefoko ke phuthololo e e Leng ya Gagwe. Lemogang, a rurifatsa Molaetsa wa Mesia wa Gagwe. O ne a soloeditse se Mesia a tlaa se dirang mogang A tlang. Mme erile a tla . . .

⁴² Le e leng fa banna ba ba botlhale ko bothhabatsatsi ba ne ba lebile tlase ntlheng ya borwabophirima, go tloga kwa ba neng ba le teng ko Babilone, mme ba ne ba bona naledi e tlotlometseng. A le ne le itse gore ga go na tlhase ya ditso, gope, gore kago epe ya tepolefaufau (kwa ba neng eibile ba lepa na—na—nako ka dinaledi, banna ba batona ba ba neng ba ithutile dinaledi tsena) . . . Ga go na ditso dipe tse di buang gore ope wa bone o bone naledi eo gotlhelele. Goreng? E ne e sa neelwa bone, ba ne ba sa soloftela se se ntseng jalo. Fela banna ba ba bothhale bana ba ne ba itse gore go tlaa nna le Naledi ya ga Jakobo e tlhatloga, mme ba ne ba E soloftsetse, mme E ne ya feta go tloga nako e Jesu a neng a tsalwa ko Bettelehema . . .

⁴³ Jaanong, ke itse gore dingwao tsa rona tsa Bokeresete, go ntse fela jaaka dikereke tsa rona, di na le dilo di phethekganye. O tswela fa ntle fano mme o bona monna yo o bothhale a tla go obamela losea; ga go na selo se se ntseng jalo mo Lekwalong. Dingwaga di le pedi morago ba ne ba goroga koo, ba tla ba fologa go ralala dipoa le go kgabaganya Noka ya Tigris. Ga ba ise ba tle go obamela losea, fa e se ngwana yo monnye go ka nna dingwaga tse pedi. Goreng e ne e le gore, ka nako eo, Herote o ne a bolaya bana bothhe go tloga dingwageng tse pedi go ya ko tlase? Gore a tle a tshware Mesia. Lo a bona, bone . . . Modimo o ne a rurifaditse ka Lefoko la Gagwe.

⁴⁴ Mme fa banna ba ba bothhale bana ba ne ba tlide ko Jerusalema . . . Naledi e ne ya gogela ko toropokgolo e e bodumedi ya lefatshe, Jerusalema. Mme ka bonako erile ba tsena ka dikgoro tseo, naledi eo (bofetatlholojo jo bo neng bo ba eteletse pele) e ne ya gana go tlhola e ba supegetsa. Kwa godimo le ko tlase ga mebila banna bana ba ba siameng, banna ba

bahumi ka dikamela tse di belesitsweng bontle, le jalo jalo. . . kwa godimo le ko tlase ga mebila ba re, "O kae yo o tsetsweng e le Kgosi ya Bajuta. Re bone naledi ya Gagwe ko botlhaba." Mme toropokgolo e tona eo ya bodumedi, morago ga dingwaga tse pedi tsa Molaetsa wa badisa, o ne o santse o sena karabo kgotsa o sa itse sepe ka ga Gone. Tlhogo ya makoko otlhe e ne e sena karabo.

⁴⁵ Jalo he go ne ga feretlha Sanhedrin, mme ba ne ba bitsa Bakwadi go tla go bala. Mme ba ne ba bala polelo ya ga Mika, moporofeti yo o neng a re, "Wena Bettelehema, a ga o mmotlana wa dikgosana tsotlhe tsa Juta (mmotlana), fela go tswa mo go wena go tlaa tla molaodi yo o tlaa laolang batho ba Me, Iseraele." Mme morago ga Dikwalo di sena go balwa (mme go santse go rurifaditswe mo pele ga matlho a bone), ba ne ba santse ba sa Go amogele, le ntswa Lekwalo le buile jalo. Ke belaela thata ba tlaa dira gompieno, fa Dikwalo tse di solofeleditsweng motlha ona di ka bonatshwa. Nka nna ka se le rerele gape, fela ke batla le tlhaloganyeng sena. Ba santse ba tlaa se dumele!

⁴⁶ Bothhale jo bogolo jwa ga Rara bo dira botlhale jwa motho boeleele thata gore O nyenyefatsa motho. Ene tota o tla mo lefelong fa go dirang motho a ikutlwé a itlhabis a ditlhong thata, mme ga a motona mo go lekaneng go amogela gore o "phoso." O santse a nna le polelo ya gagwe, go sa kgathalesege ka fa Rara a netefatsang thata gore Lefoko la Gagwe ke mnnete ebile O dira fela se A soloeditseng go se dira. Motho o akanya gore botlhale jwa gagwe bo bogolo mo Modimong, fa go sa tle go ya ka fa botlhaleng jwa gagwe, "Goreng, Ga go a nna jalo." Moo go boammaaruri mo pakeng nngwe le nngwe, go santse go dira. Le bona ka fa kgang yotlhe e tshwanelang ka gone, jaanong?

⁴⁷ A tlhotlheletso mo badiseng bao! Baengele ba fologa go bua le badisa, Baengele ba Modimo ba tla go bua le segopa sa badisa.

⁴⁸ Ke a ipotsa fa le kile la nna tshiamelo ya—ya go bua le modisa kgotsa go nna le mongwe, sebaka? Fa le rata, ga—ga ke rate go go bua ka ntlha ya tshwaelo ya me e ke ipaakanyetsang go e bua morago ga sebaka, fela modisa o nna le dinku thata go fitlhela ene ebile a tshega jaaka dinku (a lela), o bua jaaka dinku, ebile o nkga jaaka dinku. Go ntse jalo, ka gore o nna le dinku. Moo ke gotlhe mo a go itseng, ke dinku tsa gagwe.

⁴⁹ Jaanong, Lefoko la Boammaaruri le le rurifaditsweng. Erile badisa bana, banna ba ba ikobileng, ba ba sa rutegang. . . A tlollo, ka fa fa go tshwanelang ka gone mo modiseng go amogela molaetsa wa nku e ntšhwa e e tsetsweng. Go ne go ka se tle mo go sepe se sele fa e se modisa. Ke sone se A neng a tsalelwá mo setaleng, mme eseng mo ntlong. Dinku ga di tsalelwá mo ntlong, kgotsa mo phaposing ya kokelo e e kgabisitsweng ka bopinki. Lo a bona? Di tsalelwá mo lesakeng, le ko masimong.

⁵⁰ Leo ke lebaka le A neng a etelelwá pele go ya Golegotha. Ga o kake wa dira gore nku e tsamaye mo moleng go ya sebolaelong.

A le ne le itse seo? Mo matlhabelong, ba na le podi e e etelelang nku pele. Mme fa e fitlha kwa sebolaelo se leng gone, e tlolela ko ntle mme e lettelele nku go tswelela. Nku e tshwanetse go etelelwa pele, ga e kgone go iketelela pele. Jalo he, ka moo, e ne e tshwanetse go nna modisa a tlala n... dinku tsa gagwe. Erile ba fitlhela ngwana-Modimo totatota kwa morongwa a rileng O tlaa bo a le gone, mme erile ba fitlhela Molaetsa ona wa morongwa mo sejelong, totatota kwa Moengele a rileng O tlaa nna gone.

⁵¹ Jaanong, ke utlwile batho ba re, “Moengele o buile le nna, O rile ‘jaana le jaana.’” Ka fa go sotlang ka gone nako tse dingwe; mme ke utlwile batho ba re Moengele o buile nabo, mme a ba bolelala “jaana le jaana” mo go neng gotlhelele go ganetsanya le Lefoko. Jaanong, Moengele a ka dira seo jang? Gone fela go ka se kgone go nna. Mme fa Modimo a go boleletse gore selo sa *sennanne* se tlaa diragala (o re O go boleletse seo), mme go bo go sa diragale, go raya gore e ne e se Modimo a bua nao. Gakologelwa fela, go ntse jalo. Modimo ga o ake. Ga o bonwe mo leakeng.

⁵² Erile ba fitlhela Ngwana, a boipelo jo bo tshwanetseng bo ne jwa nna mo go bone. Ka gore Moengele yo o ba neileng molaetsa, ba o fitlhetsese fela totatota ka tsela e Moengele a rileng go tlaa nna ka yone, ebole fela mo lefelong kwa Moengele a rileng o tlaa nna gone. A selo se se tshwanetseng se ne sa nna mo go bone!

⁵³ Mo sejelong, goreng? Le bona ka fa badisa bana ba neng ba iketlide ka gone mo setaleng? Le akanya gore moithuti wa bodumedi a ka bo a ne a le teng koo? A ka bo a ne a tsentse setomelo mo nkong ya gagwe, a bo a re, “Nketsheng mo lefelong lena.” Lo a bona? A ka bo a ne a tshwanologile thata, a ka bo a ne a le mo matladikeng.

⁵⁴ Fela, lo a bona, e ne e le “fela kwa gae” mo badiseng. Modimo o itse kwa a ka romelang Molaetsa wa Gagwe gone. Lo a bona? Ke gone fela totatota. Mo seemong sena se badisa ba neng ba le mo go sone ka nako eo, mo setaleng le Kwana ya bone, Molaetsa o o rurifaditsweng o ba neng ba o utlwile. Ka fa go leng go ntle ka gone! Mo pele ga Mesia, Lefoko le le rurifaditsweng la Molaetsa wa bone. Erile badisa ba utlwa gore Mesia o ne a le mo lefatsheng, ebole ba tlide mo pele ga Gagwe, gone mo tikologong e e leng ya bone, (ba bo ba fitlhela Molaetsa go bo e le nnate, o ne o rurifaditswe foo) ka fa moo go tshwanetseng go ne ga dira banna bao ba ikutlwae ka gone, go fitlhela gore Modimo o ba diretse selo se segolo sena.

⁵⁵ Goreng, barutegi ba ka bo ba ne ba tshwanologile koo, mo tlase ga diemo tse di ntseng jalo, ba ka bo ba tlogile ka bonako. Goreng? Morongwa a tla mo badiseng ba ba nyatsegang. Gongwe ba ka bo ba ne ebole ba sa... bana... Bangwe ba badisa bana ba ka tswa ba ne ebole ba sa kgone go saena leina le e leng la bone, go belaesega thata. Lo itse badisa ba Jesu a ba tlhophileng nako

e A neng a le fano mo lefatsheng, go disa dinku tsa Gagwe, “A o a Nthata, Petoro, go gaisa tsena?”

⁵⁶ “Eya, Morena, O itse gore ke a Go rata.”

⁵⁷ “Jesa dinku tsa Me.” Mme Baebele e buile gore Petoro e ne e le monna yo o neng a tlhoka kitso ebole a sa rutega. A santse a tlhophia badisa.

⁵⁸ Maloko a kereke a metlha e e fetileng eo, le baperesiti, le mokgathlo o o katisitsweng sentle mo motlheng oo o ka be o ne o tshwanologile thata mo setaleng. Jaanong, ga ke tlhomamise ruri gore ba le bantsi ba lona le ka tlhaloganya (gongwe, lona batho ba motse) se setala sa Juta se neng se nkga jaaka sone, se se neng se lebega jaaka sone, jaaka diphologolo mo setaleng seo, le se e ka bong e ne e nnile sone. Goreng, bangwe ba ditlhophapha tsena tsa maemo ba gompieno ba tlaa tshwanologa thata koo, ba—ba e ne ebole ba ka se tsene ka mojako. Fela go ne ga kgatlha Modimo, ka botlhale jwa Gagwe jo bo senang bolekanngo, go Go senolela ba ba tlaa Go amogelang. Barutegi, le banna ba ba botlhale ba motlha oo bone go tlhomame ba ne ba sa tle go Go amogela. Ba ka bo ba ne ba kgobalanditswe thata go tshwarwa mo lefelong le le ntseg jalo.

⁵⁹ Goreng, lefelo la ntlha, fa ba ka bo ba ne ba boetse ko kerekeng ya bone, mme ba pakile gore ba ne ba tseneletse bokopano jo bo ntseng jalo, ebole ba dumetse segopa sa badisa ba ba sa rutegang ba tlisa tiragalo e e ntseng jalo, ba ka bo ba ne ba kgaotswe mo kerekeng ya bone. Ba ka bo ba ne ba kobilwe mo bathong wa Bettelehema, fa ba ka bo ba ne ba tshwerwe ba reeditse segopa se se ntseng jalo sa batho ba ba sa rutegang jaaka badisa bana ba ne ba ntse ka gone. Ba kgobalanditswe, bone ruri ba ka bo ba ne ba ntse jalo. Fa ba ka bo ba ne ba amane le batho ba ba nyatsegang jalo, mme e leng... go amogela meikeolo e e ntse jalo jaaka go dumela gore Modimo o tlaa tlisa Molaetsa wa Gagwe ko segopeng sa badisa ba ba sa rutegang, fa ba ne ba na le sengwe le sengwe sotlhe se go ipaakanyeditse. Ba ka bo ba latlhegetswe ke botsalano jwa bone, ba ne ba tlaa bo ba ne ba tshwanetse go isa dipampiri tsa bone, mme ba ka bo ba ne ba sa kgona go ka ba bo ba lemogilwe mo gare ga mokgathlo wa ditlhophapha tsa bone tsa motlha oo; ka gore ba ne ba amane le selo se se ntseng jalo, mme eseng le tlhaloganyo e e botoka.

⁶⁰ “Le leka jang!” moperesiti yo mogolo a ka bo a buile. “Le tla mo kerekeng ya me fano ka moikeolo o o ntse jalo, ka boeleele jo bo ntseng jalo, jo monna mongwe wa naga yo o sa rutegang ko ntle kwa yo o sa... a sa tsenang... ralalang lekwalo la ntlha. Mme le dumele molaetsa o o ntseng jalo, gore, ‘Moengele o ne a fologa a bo a bua nabo?’”

⁶¹ Fela go ka tweng fa monna a ne a rile, “Ke bone Molaetsa wa gagwe o rurifaditswe”?

⁶² A ka bo a rile, “Mpe ka bonako ke le neeleng dipampiri tsa lona. Mme le tsweng mo mokgatlhong ona!” Dinako di a fetoga, fela batho ga ba dire. Go ka bo kooteng go diragetse gape gompieno, ba ka bo ba ne ba kobilwe mo dikerekeng tsa bone.

⁶³ Fela badisa ba ne ba ikutlwa ba iketlile mo go feletseng mo lefelong leo le Kwana ya Modimo. Mme modisa ope yo o siameng o dira selo se se tshwanang. Fa modisa yo o siameng mo dinkung a kgona go bona Lefoko la Modimo le ranogile ebile le rurifaditswe, la se A soloeditseng go se dira, modisa yoo o gone mo lwapeng. Ga ke kgathale se ope o sele a lekang go se bua, ke foo “Modimo o Go soloeditse, ebile Modimo o Go dirile.”

⁶⁴ Ba re, “Metlha ya metlholo e fetile. Ga go na selo se se ntseng jaaka Kolobetso ya Mowa. Ga go na selo se se jaaka Kolobetso ya Mowa o o Boitshepo, moo e ne e le ga baapostolo.”

⁶⁵ Fela mpe modisa wa nnete wa Lefoko a Go rere, mo thateng ya tsogo, gore Jesu Keresete o tshwana maabane, gompieno, le ka bosaeng kae! Petoro o ne a re ka letsatsi la Pentekoste, “Tsholofetso ke ya lona, le bana ba lona, le bone ba ba ko kgakala, ebong ba le bantsi ba Morena Modimo wa rona a tla ba bitsang.” Kae le kae kwa A bitsang gone, tsholofetso le tshegofatso e e tshwanang e boammaaruri. Mme mpe modisa wa nnete yo o jang mo Lefokong a bone moo go rurifaditswe, baithuti ba bodumedi bottle mo lefatsheng ga ba kake ba Go tlosa mo go ene; ka gore o itse gore Modimo o buile jalo, mme go a diragala. Moo ke gotlhe. Gone fela ke Lefoko la Modimo ka gale le gale. Lefoko la Gagwe le ne la dirwa nama mme le ne le agile mo gare ga bone, mme ba ne ba sa Le itse.

⁶⁶ O soloeditse selo se se tshwanang mo motlheng ona. Ke a ipotsa fa e le gore re tlaa Go lemoga? Baikgogomosi le batlhalefi ba ne ba ise ba amogelete selo se se ntseng jaaka seo. Mme ba ne ba dumela gore fa e le gore go ne go na le selo se se ntse jaaka Mesia mo lefatsheng, Sone go tlhomame se tlaa tshwanelo go tla mo lekokong la bone. E tlaa bo e le setlhophpha sa bone se se tlaa Go amogelang, kgotsa “Go ne go sa nepa.” Jaanong, akanyang fela gone ka thata. Fa go se mo setlhopheng sa bone, fong... A le ne la lemoga, fong? Modimo ga a ise a tlhophe ope go tswa mo setlhopheng sa bone, fela O ne a tlhopha yoo yo o neng a sa lomagana le sepe sa gone. Ka gore setlhophpha se le sengwe se ka bo se rile, “Lo bona se re se dirileng?” Mme ba tlaa dira mo go tshwanang gompieno. Fela Modimo o tlhopha esemang, leo ke lebaka le A tlhophileng modisa. Badisa ba ne gotlhelele ba le kwa gae le Modimo-kwana mo gare ga bone, Lefoko la Gagwe le dirilwe nama mo gare ga bone. Baikgogomosi le batlhalefi ga ba ise ba Go amogelete, ne ga ba feta.

⁶⁷ Mme re ka bua mo gontsi ka gompeino, kgotsa mo pakeng epe. E ne e le dilo tse di tshwanang mo metlheng ya ga Martin Lutere. Selo se se tshwanang mo metlheng ya ga Johane Wesele.

E ne e le dilo tse di tshwanang mo metlheng ya Mapentekoste. Fela Modimo ga a emele lekgotla la motho ope! O tsamaisetsa Mowa wa Gagwe gone ko pele go rurifatsa Lefoko la Gagwe! Go ne go tlaa tshwanela go nna mme go tla mo mophatong wa lekgotla le e leng la bone kgotsa ba ne ba sa tle go Go amogela. Jaaka ba le legwadi thata gompieno, dikereke tsotlhe, gore ba “ile go dira *senna-nne*, ba bo ba kopanya dikereke tsotlhe ga mmogo.” Fa e le gore ba soloftse morongwa jaanong, yo o ka kopanyang Maprotestante otlhe, Makhatholike le Orthodox, sengwe le sengwe ga mmogo, ba dire kereke le nngwe e tona.

⁶⁸ Jaanong, bakaulengwe, ke nnile le tshiamelo ya go rerela makgolo a ditumelo tse di farologaneng, mme go na le banna ba ba siameng mo go tsone tsotlhe. Fela jaanong, le gakologelweng, ke a porofeta, “Lekgotla lengwe le lengwe le tlaa tshwanela go amogela sena, kgotsa le sekla nna lekgotla. Go a le patika.” A le badile pampiri ya Tucson gompieno kwa baperesiti ba Khatholike ba thusang go tlhoma, mo pampiring... ba thusa go tlhoma, ko Missouri, moruti wa Moprotestante wa monna? Mme ke mang yo o neng a go lemoga? Presbytheriene, Mabaptisti, Molutere, le Assemblies of God. Go mo pampiring ya Tucson gompieno.

⁶⁹ Ao, go a gakgamatsa! Ga se monna teng moo, ke ditlhogo tseo tsa kereke, tsa puso tse di sokamisang selo teng moo, tsamaiso e e le latlhelang mo go gone akana le batla go dira kgotsa nnyaya. Ga le kake la tlhola le nna lekgotla le bo le falola tshakgalo ena e e tllang mo lefatsheng, mme le boneng fa moo go sa nepa. Ke ka tswa ke tsamaile fa go diragala, lebang mo nngweg ya ditheipi tsena. Mme fong fa go ne go se jalo, ke mosupi wa maaka. Fa e le gore go ne go ntse jalo, ke boletse Boammaaruri.

⁷⁰ Ba ka bo ba Go biditse “mohuta mongwe wa tiro ya mowa o o bosula” kgathhanong le go akanya ga bone mo go siameng. Le utlwa go le gontsi thata ka ga go akanya mo go siameng: wena baya fela thhaloganyo ya gago mo go sepe, mme o akanye molemo ka ga sone. Diabolo o kgona go dira seo! Go na le selo se le sengwe se se laolang mo godimo ga tsotlhe, mme seo ke Lefoko la Modimo. Mme fa o akanya kganetsanyong le Lefoko, lebala go akanya ga gago. Akanya ka Lefoko.

⁷¹ “Mesia,” ba ne ba akanya, “ga a tle go fitlhelwa mo lefelong le le ntseng jalo, matladika jaaka ao.”

⁷² A o ka gopolal moperesiti yo o siameng, yo mogolo yo motona, kgotsa moruti wa monna, a ipapanne gotlhe mo thutobodumeding, a tlaa fologela ko setaleng se se tletseng motshotelo? Mme a amoge Molaetsa wa modisa yo o humanegileng, yo o ikokobeditseg yo o neng a sena thuto, mme a tlaa tla go re, “Lo a bona, nka Go le rurifaletsa, yona ke Ngwana, yona ke Morongwa”?

⁷³ Mme lo itse se batho bao ba ka bong ba se buile? “Monna yo o boammaaruri, ene o pelophepa tota mo go se A se buang, fela ene go sa botswe o fositse!”

⁷⁴ Ke bone batho ba tshela matshelo a a siameng thata ga kalo go fitlhela batho ba sa tle go dumela, ba ka se kgone go bua sepe ka ga bone, fela ba re, “Ene o fositse mo go pelophepa. Ene fela ga a itse se a buang ka ga sone. Modimo, A ka se dire selo se se ntseng jaaka seo.”

⁷⁵ Fela fano ba ne ba na le bosupi! Mme morago ga bosupi, “Yang golo koo ko setaleng mme le’boneng fa e le gore Ngwana yoo ga a mna koo.”

⁷⁶ Ba ne ba tlaa re, “Le loilwe ke mowa mongwe o o bosula, o o le bakileng gore le bue se se ntseng jalo.” Etswa go ne go le ka fa Lefokong la Modimo! Mme ba ne ba foufetse thata go Go bona, ka gore thutobodumedi ya bone e ne e ba foufaditse. A poitshego!

⁷⁷ “Lo tshwerwe mo lefelong le le ntseng jalo? Mo matladikeng jaaka mona go ne go ntse? Mo setaleng?” Fa ba ne ba na le lefelo le le ntle gore A tle mo go lone, ba ne ba na le sengwe le sengwe se baakanyeditswe gore A tle, mme fong go akanya gore O tlaa fologa (a bo a tsamaye) mme a se tlisetse baruti ba bone Molaetsa. “Mme a O neele segopa sa badisa ba ba sa rutegang? Mme a tloge a tlise Morwae Tota, a bo a Mo dira gore a tsalwe mo se—setaleng? Setala se se nyatsegang sa khiriso? Sental, mo se—mo sejelong sa furu? Goreng, go ne go ka se nne jalo!” Ba ne ba sa tle go Go dumela, ka gore Go ne go ikobile thata.

⁷⁸ Mme Go motlhofo thata, ke ka fa batlhalefi ba tlholang ba Go tlodisa matlho ka gone. Go motlhofo thata, Go a ba gamaregisa. Ba ne ba soloftse Modimo kgakala ko ntle kwa, fa A le gone fano. Lo a bona? Ba soloftse sengwe kgakala ka kwa, fa se le gone fano le bone jaanong: Keresete, a tsogile mo baswing, yo o tshwanang maabane, gompieno, le ka bosaeng kae.

⁷⁹ Dilo tsotlhe tsa bone tse ditona di ne tsa fapogiwa. Fela gone ruri e ne e le Boammaaruri, gore “go ne go na le Mesia.” Re a go itse gompieno. Re a go dumela gompieno. Re a go amogela gompeino.

⁸⁰ Fela fong fa Modimo a soloeditse sengwe sa Keresemose ena, a soloeditse sengwe sa motlha ona, a bo a rurifatsa gore Go ntse jalo, re bo re santse re katoga mo go Gone, rona fela re mo setlhopheng se se tshwanang se bao ba ne ba le sone (morago koo kwa motlheng oo) se se neng sa Go fapoga; ka gore Ga go—ga go tle mo tatsong e e leng ya rona ya makoko. Ke sone se re leng mo matladikeng a a ntseng jalo Keresemose ena.

⁸¹ Jesu Keresete ga a swa, O a tshela. O fano gompieno! Baebele e rile, “O tshwana maabane, gompieno, le ka bosaeng kae.” O ne a re, mo go Moitshepi Johane 14:12, “Yo o dumelang mo go Nna . . .” (eseng yo o iketsisang go dumela, yo o reng o a dumela)

“Yo o dumelang mo go Nna, ditiro tse Ke di dirang o tlaa di dira le ene. Mme o tlaa dira tse di fetang tsena, ka gore Ke ya ko go Rara.” Mme ke Mmone, mo botshelong jo e leng jwa me, a dira mo gontsi ga ditiro tse di tshwanang (tse A di dirileng ka nako eo) go na le go kwadilwe mo ditsebeng tsa Baebele ena. Mme go feta ko godimo ga tlhogo le batlhalefi gompieno, go bo go senolelwa bana jaaka ba ba tlaa ithutang; jaaka Jesu a rapeletse. Ke nnete, O dirile mo gontsi go na le se A . . . Ke bone mo motlheng wa me, wa dingwaga tsa me di le masome mararo le boraro tsa bodiredi, ke Mmone a dira mo gontsi go na le se ke badileng ka Ene a se dira mo Baebeleng; mo gontsi ga selo se se tshwanang.

⁸² Fela go sa kgathalesege se A se dirileng ka nako eo, a le akanya gore Sanhedrin e ne ya Mo dumela? “Sentle,” ba ne ba re, “le loilwe.” Fela, batlisisang, kwa ba dirileng phoso ya bone e ne e le go bathisia . . . mo go batlisiseng, eseng se tumelo ya bone ya kereke e se buileng, fela se Lefoko le rileng Mesia o tlaa se dira mo motlheng wa bone. Mme foo ke fa re dirang phoso gompieno, re sa hukutse Dikwalo. Jesu o ne a ba bolelela, “Hukutsang Dikwalo, mo go Tsone le akanya gore le na le Botshelo jo Bosakhutleng, mme Tsone ke Tsone tse di supang ka ga Nna. Di le bolelela Yo ke leng ene.”

⁸³ Lemogang, Modimo o ne a itsile gale gore ba tlaa dira sena, moo fela ke *goreng* A ne a tshwanelo Go go isa ko badiseng. O ne a itse gore ba ne ba sa tle go dira, ba ne ba sa tle go Go amogela. Jaanong a le a bona goreng go ne go tshwanetse go nna badisa? Goreng badisa? Baithuti ba bodumedi ba ne ba sa tle go Go amogela. Goreng badisa gape? A Go tlaa tla kganetsanyong le Lefoko la Gagwe? Nnyaya! E ne e le badisa, ba ne ba itse dinku; mme seo ke se A neng a se tsetswe, nku, kwana. Lemogang, O ne a le Kwana. Ba ne ba le—ba ne ba le mohuta o le nosi o o tlaa Mo amogelang. Modisa e ne e le selo se le nosi se se tlaa amogelang Kwana. Ba ne ba itse ka fa ba ka E tlhokomelang ka gone, mme go ntse jalo gompieno fa re amogela Molaetsa wa Kwana.

⁸⁴ Jaanong mo go gakgamatsang! Motho yo o ikokobeditseng bogolo, yo o sa rutegang a obamela Emanuele mo setaleng. Ba ba bogolo . . . Mme go ne go na le batho ko ntlo koo, mo metlheng e e tshwanang, ba ruta thutobodumedi ya bone. Matshutitshuti a magolo, a tswa gongwe le gongwe, go tswa gongwe le gongwe mo lefatsheng, ba ne ba tlie ko ditlhabelong tse Jehofa a rileng e ne e le “monkgo o o maswe mo dinkong tsa Gagwe.” Mme fano go ne go le badisa ba ba ikokobeditseng, mo setaleng, ba obamela Emanuele; Modimo ka Sebele a dirilwe nama, ebile a ntse mo setaleng. Lo a bona, ka fa rona ka dithutego tsa rona tse ditona, le tlhogo ya rona e phelletse jaaka okare re itse sengwe, mme Modimo a fapoge selo sothle. Lo a bona? O dira se A sololetsang go se dira, mme O tlhola a dira seo. Fela akanyang ka ga badisa bana ba ba ko tlase ko ntlo koo jaanong ba obamela Eman- . . .

Emanuele mo setaleng. Ke mo go gakgamatsang bogolo. Ruri go jalo!

⁸⁵ Fong ko ntle . . . Morago ga ba sena go Mo obamela, ebile ba lemogile gore Molaetsa o ba ntseng ba o rera o ne o rurifaditswe, foo ba ne ba . . . ne ba le ko ntle ba baka Modimo ka Molaetsa o o sa dumelisegeng bogolo wa Moengele. Jaanong tshwantshanyang seo le compieno. Emang fela motsotsotso le bo le akanya. Batho kong ba obamela Modimo, ebile ba Mmakela se ba se boneng, se ba se utlwileng, se ba neng ba itse gore ke Boammaaruri, ka Molaetsa o o neng o sa dumelisege mo monaganong wa ba ba botlhale. Go ne go ganetsanya le go akanya gotlhe ga kereke, mme etswa e ne e le Boammaaruri! Ke Boammaaruri! Ba ne ba Go dumela. Mme jaanong, ka fa botlhale jwa motho bo kgonang go nna boeleele ka gone! Ba tloge ba re khwaere ya Baengele e ba opeletse pina ya ntlha ya keresemose. A o ka gopola seo? Gore modisa yo o neng a sa kgone go kwala leina la gagwe, a nkga jaaka lesaka la dinku, a fologeleta mmila, a golelets, “Kgalalelo go Modimo ko Bogodimodimong! Re itse gore O mo lefatsheng!”

⁸⁶ Moperesiti o ne a re, “Monna yole o fapogile tlhaloganyo. Lebelelang mo dibukeng mme le boneng fa e le gore ke leloko la phuthego ya rona. Ene ruri o re tlhabisa ditlhong ka dithuto tsa gagwe tse di seng ka fa maitsholong. Mo tlloseng mo go rona. Ga re tle go tlhabisa ditlhong mo gare ga batho.”

⁸⁷ Sentle, o kgona go tlhabisa ditlhong mo gare ga batho mme o galaletswe mo ponong ya Modimo; kgotsa itlhophophele, ka gore, gakologelwa, tatso ya kereke ya motlha ga e tsamaelane le Lefoko la Modimo. Ga go ditatso dipe di le makgolo a ferabongwe le masome a marataro le boferabongwe tsa Gone. Ke tatso e le nngwe, Lefoko le le lengwe, Modimo a le mongwe. Moo ke gotlhe.

⁸⁸ Ba bua gore Baengele ba ba opeletse pina ya ntlha ya keresemose, ebile gape ba re ba na le “Molaetsa go tswa go Moengele.” Moengele o ne a ba bonalela, a ba naya Molaetsa, mme ba ne ba ya ba bo ba fitlhela gore Molaetsa oo e ne e le Boammaaruri. Mme ba re, “Mo godimo ga moo, Moengele o re opeletse pina ya ntlha ya keresemose.”

⁸⁹ “A o ka gopola?” Ba re, “Mogoma yo o tlhomalong pelo yoo.” Ba ka bo ba sa nna le sepe jalo se diragala mo gare ga bone, lo a itse, jalo he go ne ka mokgwa mongwe e le thuto e e seeng mo go bone. Mme leo ke lebaka ba neng ba sa kgone go Go bona mo Dikwalong, e ne e se ga bone go Go bona. Go sa dumelisegeng mo batlhalefing, ga go maitemogelo a a kalo a a kileng a ba diragalela. Go sa dumelisegeng, fela ntswa go le jalo E ne e le Boammaaruri. Ke Boammaaruri, re a itse Ke Boammaaruri. Akanyang! Basokologi ba ntlha ba ga Keresete le phuthego ya ntlha e ne e le boradinku, eseng baruti ba banna; boradinku, badisa. Goreng badisa?

⁹⁰ Lemogang! Ko ntle ba baka ebole ba galaletsa Modimo ka ntlha ya se ba se boneng ebole ba se utlwile, ba utlwile Baengele ba opelela motho nako ya bone ya ntlha. Baengele ba ne ba ise ba opelele motho pele. Mme lebelelang dikhwaere, ka fa ba neng ba eme ebole katisitse ba bo ba katisa mantswe a bone, “ba tlaa opela kwa botsalang jwa ga Mesia,” mme botlhe ba ne ba fapogiwa! Mme Baengele ba ne ba fologa ba bo ba opelela boradinku ba ba nyatsegang, ba sa apara diaparo tsa boruti, fela ba apere diaparo tsa badisa. Mme lebang ke mang yo o amogetseng Molaetsa wa ntlha, ga go dumelesege.

⁹¹ Mme kwa go neng ga newa gone, eseng mo dikagong tsa kobamelo, fela ko nageng, ko ntle ko nageng kwa Moengete wa Morena a neng a tla gone. Eseng mo kerekeng, ko nageng. O ne ebole a sa amogelwa mo kerekeng. Ba ne ba akantse gore O ne a le jalo, ebole ba ne ba akantse gore ba ne ba na Nago, fela Modimo o ne a supa gore go ne go le phoso. “O nonofile ka mantswê ana go tsosetsa Aborahame bana.” Go ntse jalo.

⁹² La ntlha Baengele le ka nako epe ba ne ba opela kwa moketeng, e ne e le ko Legodimong. Fa le ka lebelela mo go Jobe 38:7, (jaaka ke bona bangwe ba lona le tsaya dintlha), erile Modimo lantlha a ne a rulaganya go dira popo ya Gagwe ya ntlha, lefatshe. Jobe e ne e le monna yo mogolo, yo o ipapanng, mme o ne a na le mehuta yotlhe ya botlhale. O ne a re, “Fa ke tlhatlogela ko dimmarakeng, dikgosana tse di nnye, tsotlhe di obama fa pele ga me, mme ba batla fela motsotsa wa botlhale jwa me.” Mme o ne a sa kgone go tlhaloganya gore goreng a ne a tshwanetswe go tsholwa ka tsela e a nang a le yone.

⁹³ Mme jalo he Modimo o ne a mmotsa, ne a re, “Ikgatlhe jaaka monna, ka gore Ke a fologa go bua nao.” Mme erile Modimo a fologa ka setsuatsue, O ne a re, “Jobe, o ne o le kae pele ga Ke ne ke tlhomma metheo ya lefatshe? Nako e dinaledi tsa moso di neng di opela ga mmogo, ebole barwa Modimo ba goeletska ka ntlha ya boipelo, o ne o le kae ka nako eo, Jobe?” Mme o ne a ngotlafadiwa ka nako eo. “O ne o le kae?”

⁹⁴ Lo a bona, lantlha Baengele ba ka bo ba opela kwa moketeng, e ne e le ko Legodimong. Fela lantlha ba ka be ba opela mo lefatsheng, e ne e le ko badiseng kwa botsalang jwa Modimo, Emanuele mo lefatsheng; batho ba ntlha ba ka bo ba utlwa mo Moengete a opela, e ne e le badisa ba ba ikokobeditseng.

⁹⁵ Fa re tsaya basadi ba rona ba ba ipentileng sefatlhego, ba ba pomileng moriri, ba apara marokgwae a makhuswane, mme ba akgaa akgaa mohuta mongwe wa seaparo sa kereke go ba dikologa, mme ba emelele ba bo ba opela jaaka sengwe, mme re tloge re akanye gore Modimo o tshwanetse go reetsa seo? O na le Baengele kwa morago kwa ba ba ka Mo tlamelang esale... pele ga Ene ebole a dira motho. Uh-huh. Ba tswele ko ntle mme ba tshele... mme ba apare diaparo tse di leng matlhabisa ditlhong

mo Modimong, mme o ka solo fela seo jang go nna sa Modimo? O re, "Sentle, ke leloko la . . ."

⁹⁶ "O ne o le kae fa Ke ne ke tlhoma metheo ya lefatsh? Mpolelela kwa Ke e bofeletseng gone. Ase e kae e e menogang mo go yone? O ne o le kae ka nako eo?" O akanya gore Modimo o tshwanetse go re kopa bongwe jwa botlhale jwa rona. Botlhale jwa rona ke boeleele fela mo go Ene. O dira se A reng O tlaa se dira.

⁹⁷ Jaanong lemogang, Modimo o tloga a dira lebopo le lengwe. Ene a tlhola lefatsh le le swang, botshelo jo bo swang. Baengele ba opela ko Legodimong. Fela fano O tlhola Botshelo jo bošwa, Botshelo jo Bosakhutleng jwa motho, mme O opelela batlhanka ba Gagwe ka Baengele; mo lefatsheng, eseng mo Legodimong. Legodimo le ne le na le Botshelo jo Bosakhutleng. Lo a bona? Mme O ne a opela . . . ba ne ba opelela Magodimo, nako e lebopo le le swang le ne le tsena; mme fano lebopo le le sa sweng le a tsena, mme jaanong ba opelela batho ba mo lefatsheng. Lantla, ba direla badisa. Go a gakgamatsa, a ga se gone?

⁹⁸ O ne a simolola lebopo le lešwa. E ne e le eng? Lebopo la Boene. Modimo o ne a dirwa nama a bo a aga mo gare ga rona. Moo ke . . . Baebele e rile, "Ko tshimologong ya popo ya Modimo." Modimo o ne a dirwa mo popegong ya motho; mo go Jesu Keresete, Morwae, Modimo o ne a aga. O ne a aga motlaaganawa Gagwe wa nama le marapo, a bo a aga mo motlaaganeng oo; Modimo, *Emanuele*, "Modimo a na le rona." O ne a Ikagela ntlo, go nna mo go yone, gore A kgone go bonatsa Lefoko la Gagwe mo batlhankeng ba Gagwe ka seo. Le itse se Modimo a leng sone, fa le bona Keresete.

⁹⁹ Gakologelwang, go tlhola go na le kopelo kwa botsalong jwa kgosi. Ke ba le kae ba ba neng ba itse seo? Jaaka go solo fetswe, lo ne lo itse. Sentle, jaanong, a le akanya gore fa Kgosi ena e ka bo e ne e tsaletswe golo koo, mosadi a ka bo a tlide a sianela mo kagong ya kobamelo golo gongwe, a bo a re, "Baakanyang bolao gone ka bonako, mme le tseyeng dingaka, ka gore ke ile go tlisa Emanuele mo lefatsheng?" Mosadi yo o humanegileng go tswa Nasaretha, motse o o kwa tlase tlase, mo . . . o le bosula go gaisa go na le Tucson kgotsa ope wa yotlhe ya yone, mme etswa mosadinyana yona o tla a sianela koo ko moperesiting yo mogolo yo motona a bo a re, "Ke—ke tloga ke tsala Emanuele." Ba ka bo ba mo latlhetsi mo kgolegelong. Bone ruri ba ne ba tlaa dira. Bone go tlhomame ba ne ba tlaa dira. Ka ga moikeolo o o ntseng jalo go tliswa mo gare ga batho ba gagwe, o ka bo a ne a sa go itshokela. Le gompieno ga a kake a dira. Fela mo go tshwanang fela go a diragala, go tshwana fela.

¹⁰⁰ Lemogang, go tshwanetse go nne le kopelo. Dikgosi di ne . . . O ka bo a ne a sa opelelwa. Batho ba ka bo ba sa Mo opelela, ka gore ba ne ba sa Mo dumele. Mme moo ke lebaka . . . Ke mona Go

a tla, go botoka le Go tlhaloganyeng. Leo ke lebaka gompieno le batho ba tlhajwang ke ditlhong go baka Modimo, ba tlhabiswa ditlhong ke Keresete! Dikago tse ditona tsa kobamelo ga di tle go amogela Kolobetso ya Mowa o o Boitshepo, bone ba gwaletse thata mo tseleng ya bone ya kereke gore ga ba tle go E amogela. Modimo o ile go batla mongwe yo A ka bonang pako ka ene. “Ene o nonofile ka mantswê go tsosetsa Aborahame bana,” jaaka ke inola Johane gape.

¹⁰¹ Lemogang, batlhanka ba Gagwe ba tshwanetse ba Mo opelele. Batlhanka ba Gagwe ka nako eo e ne e le Baengele ba Gagwe, mme ba ne ba opelela badisa ba Gagwe ba ba neng ba tshwanetse go tsaya Molaetsa wa Gagwe.

¹⁰² Ke mang yo o tshwanetseng go O utlwa pele? Jaaka go sololetswe, batlhanka ba Gagwe. Ke ba ba tlaa utlwang kopelo ya Kgosi pele, e tlaa bo e le batlhanka ba Gagwe. Mme batlhanka ba Gagwe e ne e le eng? Ka mokgwa mongwe go a gakgamatsa, a ga se gone, bakaulengwe? E ne e se baruti ba Gagwe ba banna. E ne e se baithuti ba bodumedi. Go ntse jalo. E ne e se batho ba makoko. Nnyaya, e ne e le badisa. Goreng? Go ne go na le nku e e tsetsweng, leo ke lebaka. Lo a bona? Batlhanka ba Gagwe ba ne ba O utlwa, ba Modimo a neng a itse gore ba tlaa dumela. Modimo o ne a romela Molaetsa wa Gagwe ko go bao ba ba tlaa O dumelang. Ene ke botlhale jotlhe; O itse kwa a tshwanetseng go romela Molaetsa wa Gagwe gone, yo o tlaa O dumelang. Mogodimodimo wa Legodimo a romelwa ko bathong ba ba ko tlase go gaisa mo lefatsheng.

¹⁰³ Jesu o ne a re, mo go Matheo 5, “Go sego ba ba humanegileng mo moweng, gonne Bogosi jwa Legodimo ke jwa bone.” Marea, mo . . . Fa e le gore le kwala Dikwalo tseo, moo ke Matheo 5. Mme fa e le gore le kwala Dikwalo . . . Moo ke se ke se kwadileng fano, ke Dikwalo.

¹⁰⁴ Marea o ne a re, mo go Luka 1:52, fa ne a tloditswe ka Mowa, Mowa o o Boitshepo mo go ene, o ne a re, “O goleditse ba ba leng babotlana fela.” Marea o ne a bua seo, mmaago Jesu, ne a re, “O goleditse ba ba leng babotlana fela.”

¹⁰⁵ Luka gape o ne a re, “Ba ba leng batho fela ba Mo utlwa ka boitumelo.” Eseng ba—batlotlegi, ba—baithuti ba bodumedi, dingaka tsa molao le tsa bomodimo; fela ba e leng batho fela ba Mo utlwile ka boitumelo, batho ba ba leng babotlana fela.

¹⁰⁶ Go ralala Dikwalo tsotlhe tse di boitshepo, Molaetsa wa thekololo o ntse o newa ke badisa le ka dinku.

¹⁰⁷ Jaanong ke tshwanetse ke tle mo go tswaleleng, ka gore re tla mo nakong ya go tswalela. Ke tlola Dikwalo di le dintsi fela gore ke kgone go le tlisetsa kakanyo ena.

¹⁰⁸ Go ralala Dikwalo tsotlhe, thekololo e ntse e emelwa ka badisa le dinku. Go ntse jalo. Rotlhe re dumalana mo go seo. Goreng? Go ne go le mo moriting le setshwantshong. Mme

sepe . . . Fa ke ne ke ise ke bone seatla sa me, ke bo ke lebelela fa tlase fano fa moriting wa seatla sa me, mme ke bona gore ke na le menwana e le tlhano, ke ne ke tlaa itse gore go ne go bonatsa; moriti o ne o bonatsa ga mmatota. Mme ke sone se Molaetsa o neng o tlhola o tla ko . . . thekololo ka dinku, ka gore go tswa ko go yone tshimologo . . . Mme e ne e le ka dinku, le ka badisa, gore O ne A Itshenola. Gotlhe e ne e le meriti le ditshwantsho.

¹⁰⁹ Jaanong mpe re lebeleleng ko tshimologong. Atamo le Efa, ba eme foo mo bolengtengeng jwa Modimo go utlwa Molaetsa wa Gagwe mo go bone, ba ne ba thatheletse mo dinokeng tsa bone letlalo la nku. Molaetsa wa ntlha o o kileng wa utlwia, o ne wa newa mo godimo ga letlalo la nku e e suleng, e Modimo a neng a e bolaile a bo a hapa Atamo le Efa mo go lone. Morago ga ba sena go dira bodumedi jo e leng jwa bone jwa matlhare a mofeigi, go ne go sa tle go bereka. Setlhabelo sa dinku se ne sa simololwa ka ntlha ya tetlanyo esale yone tshimologo, setlhabelo sa dinku.

¹¹⁰ Jaanong, re ile go tswalela sena jaanong, mme re le supegetse gore goreng go ne go tshwanetse go nna badisa; ebile goreng go ne go tshwanetse go nna, O ne a tshwanetse go nna nku.

¹¹¹ Jaanong, baporofeti ba Kholagano e Kgologolo ba ne ba ithatha mo matlalong a dinku (re itse seo, uh-huh), ba supa tumelo ya bone mo Lefokong la Gagwe la Kwana e e tlang e e itekanetseng. Ke sone se e leng baporofeti.

¹¹² Jaanong, Lefoko la Modimo ga le tle mo moithuting wa bodumedi, ga go na . . . ene—ke ene yo o Le tlhakatlhakanyang. Go ntse jalo. Ga go na selo se se jaaka go ka be wa bua . . . Wena o re, “Sentle, moeka yona ke moithuti wa bodumedi.” Moo fela go mmaya kgakala mo Lefokong go na le sepe se ke itseng ka sone. Lo a bona? Lefoko la Morena Modimo, Modimo yo o sa fetogeng, ga le ke le fetoga. Gongwe le gongwe mo Baebeleng, Lefoko la Modimo le ne le tlhola le tla mo baporofeting. Eseng mo baithuting ba bodumedi kgotsa dingaka, mo baporofeting! Mme bone ka gale, nako nngwe le nngwe, ba ne ba ganwa ebile ba kgaramediva.

¹¹³ Baporofeti ba ne ka gale e le badisa le bone. Baporofeti ba ne ba ithatha ka matlalo a dinku, ka gore ba ne ba apara letlalo la dinku tse ba neng ba di disa. Mme molaetsa wa ntlha, wa ko—ko—kokomane e e sekisitsweng, e ne e le mo godimo ga matlalo a dinku. Baporofeti, ke bua gape, ba ne ba apara matlalo a dinku a thathilwe go ba dikologa, ka gore ba ne ba supa ka seo, gore ba ne ba dumela gore go ne go tla Kwana e e itekanetseng ya setlhabelo seo. Mme Lefoko la Modimo le ne la tla mo go bone mo godimo ka matlalo a dinku. Badisa bana . . . kgotsa baporofeti bana ka gale e ne e le badisa. Aborahama e ne e le modisa. Isaka e ne e le modisa. Jakobo e ne e le modisa. Moshe e ne e le modisa.

Dafita e ne e le modisa. Baemedi botlhe ba Modimo ka gale e ne e le badisa.

¹¹⁴ Jaanong re ile go batlisisa gore goreng go ne go tla mo badiseng. Ba ne ba itse gore dinku ga di na thuso ntleng ga modisa go di kaela. Bone...nku ga e na thuso gotlhelele, ga e kgone go itsamaisa ka bonosi. Leo ke lebaka le Modimo a tshwantshitseng bana ba Gagwe ba ba dumelang le dinku. Ba tshwanetse go kaelwa. Fela ela tlhoko se se go kaelang! O sekwa tsaya podi, e tlaa go isa ko sebolaelong. Modimo ga a ise a re neele podi, O re neile Morwae (Mowa o o Boitshepo) go re kaela. Ene ke Mokaedi wa rona, eseng badisa bangwe ba ba dirilweng ke motho, fela modisa yo o neilweng ke Modimo yo o jesang dinku dijo tsa dinku.

¹¹⁵ Jaanong, o tseye kolobe, mme o reye kolobe ena o re, “Ke ile go go dira kwana.” Mme o e tlhapis. Ebile o pente dinala tsa yone tsa maoto, le—le jalo jalo. Mme o e neele dijo jaaka nku, o e neele mohuta mongwe wa di—dijo. Mme o e beye ko ntle mo bodilong kgotsa ko ntle mo le...kwa mo—motlhape wa dinku, mo tshimong ya alfalfa kgotsa sengwe. Mme fa e le gore go na le khuti ya seretse golo gongwe, kolobe eo e tlaa ya fela ka tlhamallo ko khuting eo jaaka e ka kgona go ya. Lo a bona? Goreng? Ke ka gore tlholego ya gagwe e santse e le kolobe.

¹¹⁶ Mme leo ke lebaka le maloko a kereke, gompieno, ba tshwakgogang mo dilong tsa lefatshe, lo a bona, ke ka gore tlholego ya bone ga e ise e fetoge. Ba tlaa ja mohuta ope wa seretse sa kereke, sa thutobodumedi, fela Lefoko la Modimo ga ba kgone go Le itshokela. Ba tlaa tsena mme ba reetse Lefoko...

¹¹⁷ O a itse, moitimokanyi yo mogolo go feta mo lefatsheng, ke legakabe la kgale. Mo Baebeleng, go ne go le tse pedi tse di neng tsa ntshetswa ko ntle ga areka. Legakabe la kgale le ne la tswela ko ntle mme ga a ise a ke a boe, ka gore ene ke majadibodu, majadisuleng. O ne a nna mo mebeleng ya ditoto tse di suleng a bo a tlatsa mpa ya gagwe ka setoto se se suleng. Fela erile a bulela lephoi ko ntle, lephoi le ne le ka se kgone go itshokela monko oo, jalo he le ne la boela ko ntlong ya ga Rara le Noa, mme la itaya fa lebating go fitlhela Noa a le tsenya mo teng.

¹¹⁸ Jaanong, legakabe le kgona go nna fa ntle fano mme le je mo pitseng e e suleng, letsatsi lotlhe, mme le fofele ko ntle koo mo tshimong le bo le ja mabele le lephoi. Fela lephoi ga le kgone go fofela ka koo le bo le ja mo pitseng e e suleng, mme le tloge le je mabele; go tlaa mmolaya. Lo a bona, lephoi ga le na santlhokwe epe, mme ga le kgone go go sila.

¹¹⁹ Mme fa lephoi lepe la Modimo, lephoi lepe le le jang Lefoko kgotsa nku, phologolo e e phepa, fa o ya go ba neela dilo tsa lefatshe, ba itse gore Mong wa bone o rile, “Yo o ratang lefatshe kgotsa dilo tsa lefatshe, lerato la Modimo ebile ga le yo mo go ene.” O mo naya sengwe se se ganetsanyang le Lefoko leo la

Modimo, ga a kake a go itshokela. Fela diabolo o kgona go tsaya Leo le lefatshe gape, mme a go bitse gotlhe ga Modimo. Ga o kake wa tlhakanya lookwane le metsi, gone fela ga go kake ga tlhakana.

¹²⁰ Bone, badisa botlhe bana, ba ne ba itse gore dinku di ne di sena thuso ntengleng ga modisa. Mme e ne e le badisa, ebile ba itse gore e tshwanetse go kaelwa.

¹²¹ A tlhomogopelo e e leng yone go bona, gompeino, gore ba leka go jesa dinku, manyemenyeme. Fela nku ga e kake ya a ja. Nyanya, rra! Lo a bona, ba ne ba leka go jessa dinku, ko morago kwa, manyemenyeme. Mme fa Lefoko le tlaa, di ne di ntse di tlwaetse manyemenyeme thata, di ne di sa itse Lefoko. Mme ke se e leng sone gompieno, fa selo se se tshwanang se ne se rurifatsa se bo se supa gore Modimo o tlaa dira selo se se rileng. Fong bone ba tlwaetse manyemenyeme thata, ebile ba jeswa manyemenyeme, go fitlhela wena . . . sentle, ga go na puisano epe le bone, bone fela ga ba tle go Go reetsa, ke gotlhe. Ntša . . . Baebele e rile, “Jaaka ntša e boela matlhatseng a yone, le kolobe ko seretseng sa yone, ba dira jalo.”

¹²² Ba utlwa Lefoko, mme ba boeile gone ko seretseng se se tshwanang sa kgale! Mme ba re, “Ah, Ke bogogotlo. O sekwa wa dumela selo se se ntseng jalo.”

¹²³ Modimo . . . nku e dira mo go tshwanang gompieno, ba tshwanetse ba tshepe mo dijong tsa Lefoko. Ga ba tle go amogela dijo dipe di sele. Ga o kake wa ba neela dijo tsa ga makgotla boruti, nku ya popota. Nyanya! Nyanya! O ya go ba bolelala, “Jaanong lebelelang, rotlhe re tlaa nna ga mmogo. Jaanong, Jesu o rapetse gore rotlhe re tle re nne ‘bangwefela.’” Le utlwile fela selo se se tshwanang ko Tucson go se bogologolong, malatsi a le mmalwa a a fetileng, fela ke leaka! Jesu ga a ise a rapele . . . O ne a dira jang . . . O ka dirang jang gore Lefoko le Ikgale, le Ithagele? Go raya gore Modimo ga a farologane le motho ope o sele.

¹²⁴ Jesu o ne a re, “Bobedi bo ka tsamaya mmogo jang fa e se bo dumalane?” O ile go tsaya jang Methodisti, Baptisti, Presbithereine, le Khatholike, mme o di latlhele tsotlhé ga mmogo di bo di nna bangwe? Le ka tswa le le bangwe mo tlase ga tlhogo ya motho, fela Jesu o rile, “Gore ba tle ba nne bangwe le e leng jaaka—jaaka *Nna le Wena* le bangwe.” Jaanong, O batla rona rotlhe re nne bangwe mo go Ene mo e leng Lefoko! Amen! Ke moo, “Bangwe le Rara.” Mme Rara ke Morwa, go a tshwana. Mme ke Lefoko le le tshwanang, Lefoko le le bonaditsweng, le Itshupa mo motlheng ona jaaka Le dirile mo motlheng ope o sele, gore le tle le nne bangwe.

¹²⁵ Lemogang, O ne a re, “Jaaka Rara a Nthomile, Ke roma lona jalo.” Rara yo o neng a Mo roma, o ne a tsena mo go Ene go tlhomamisa Lefoko. Mme Jesu yo o tshwanang yo o romang batho ba Gagwe, o tsena mo bathong ba A ba romang; mme a re,

“Ditiro tse Ke di dirang, le tla di dira le lona.” Go tlhomame, O rapetse gore re tle re nne bangwe; bangwe le Ene, eseng bangwe le lekgotla. Eseng bangwe le tsamaiso, fela bangwe le Modimo. Gonno Modimo mo Lefokong la Gagwe o Mongwefela, mme Jesu le Modimo ba ne ba le Bangwefela, mme wena le nna le Lefoko re tshwanetse re nne Bangwefela. Go ntse jalo. Re tshwanetse re nne mo tumalanong e le nngwe le Lefoko. Eseng se mongwe o sele a se buang, mona ga se ga phuthololo ya sephiri. Le tseyeng, se Le se buang, mme Le se dumeleng; mme Modimo o tlaa Le rurifatsa, a bo a supa gore Le nepile. Le akanya gore Ke fela ga barutwa ba le nosi, tsayang Lefoko la Gagwe ka ntlha ya gone, eyang go go leka gangwe mme le boneng. Le tlaa fitlhela gore go tlaa le berekela go tshwana fela jaaka A soloeditse. Ee, rra!

¹²⁶ Ga di tle go ja manyemenyeme, di tshwanetse di je dijo tsa dinku. Moitshepi Johane 10 e bolela gore, “Dinku tsa Me di itse Lentswe la Me.” Mme fa e le gore Ene ke Lefoko, fong ke mohuta wa Lentswe le feng le A nang nalo? “Dinku tsa Me di itse Lentswe la Me, baeng ga di tle go ba latela.” Lo a bona? Jesu ne a re, “Lentswe la seeng ga di tle go le latela.” Jalo he, dinku tsa Gagwe ga di latele lentswe la moeng. Ga di tle go ba latela.

¹²⁷ Baporofeti, badisa, le dinku, botlhe ba paka ka ga go tla.

¹²⁸ Jaanong le bona Modimo yo o sa fetogeng mo dithulaganyong tsa Gagwe tse di sa fetogeng tsa Lefoko la Gagwe motlheng ona. Jaanong akanyang fela metsotso e le mmalwa: Lefoko le le sa fetogeng.

¹²⁹ Jaanong lebang! Fa—fa e le gore Moshe a ka bo a tlide ka molaetsa wa ga Noa, go ka bo go ne go sa bereke. Fa Johane Mokolobetsi a ka bo a ne a tsile ka molaetsa wa ga Moshe go ne go ka se bereke. Fa Jesu a ka bo a ne a tsile ka molaetsa wa ga Moshe kgotsa wa ga Noa, go ne go ka se bereke. Mme Wesele a tla ka molaetsa wa ga Lutere, go ka bo go ne go sa bereke. Fa Pentekoste e tla ka molaetsa wa ga Wesele, go ka bo go ne go sa bereke; re utlwile fela moo go paka. Jaanong, Modimo o tswelela fela a tsamaya. Elang tlhoko fela Lefoko, le bona fa re leng teng.

¹³⁰ Ke gone goreng kitsiso ya ntlha ya badisa e ne e sa tshwanela... Fa e le gore baporofeti botlhe bana, banna botlhe bana ba batona e ne e le badisa, fong goreng Modimo a tshwanetse (Yo o sa fetogeng) a fetole mokgwa wa Gagwe gone fano, a bo a Go tlisa mo baithuting ba bodumedi? E ne e le badisa. Kgoroso ya Kwana e e itekanetseng, tshupelo ya boleo, e tshwanetse go tla mo modiseng.

¹³¹ Modisa o itse dinku tsa Gagwe botoka go na le ope o sele. Ga go ope yo o itseng nku jaaka modisa, o go katisedswe. Gape o itse gore ke mohuta ofeng wa dijo tse di tlaa di jang. Bone... o ne a itse se dinku di tlaa se jang, ebile o itse dinku tsa gagwe ka se di se jang. N... o tlaa bona nku e tswela ko lesakeng la manyemenyeme e bo e simolola go ja manyemenyeme, o tlaa re,

“Tlosang majadisuleng yoo.” Lo a bona? Jalo he Modimo o ne a itse kwa a tshwanetseng go ba romela gone.

¹³² Jaanong a re bitseng mongwe wa baporofeti ba badisa ba bagolo ba ga Jehofa, go tlhomamisa gore Modimo o ne a le mo baporofeting bana mo tlase ga letlalo la nku. Elang tlhoko jaanong. Re tlaa bitsa, pele, Moshe. A re mo lebeleleng. Bodiredi jwa gagwe bo tlaa re bontsha Jehofa mo moporofeting wa Gagwe wa modisa. Jaanong, re tlaa tsaya fela gongwe a le mongwe, fa re na le nako, go ka nna metsotso e e latelang e le lesome. Re tlaa tsaya ba le babedi ba bone, fela gongwe yona o tlaa bo a siame.

¹³³ Moshe; Jehofa o Iponatsha fano, mo moporofeting yona wa modisa. O ne a neilwe dimeo di le tharo go rurifatsa bodiredi jwa gagwe le pitso mo bagolwaneng ba Israele, le mo go Faro. Lemogang mopofeti yona wa modisa, jaanong. O naya, ka gale, baporofeti ba Gagwe, sesupo sa bofetatlholego, go rurifatsa gore e ne e le Modimo mo go bone; gonne ga go kake ga nna le bolengteng jwa Modimo ntleng ga dilo tsa bofetatlholego di diragala. Jehofa ga a ise a ko a bonale ntleng ga bofetatlholego bo Mo latela. Go tshwanetse go nne. Jalo he O ne a tlhola a Ithurifatsa gore O ne a na le baporofeti bana, ka go tlhomamisa se ba neng ba porofeta ka ga sone, fa e le gore se ne se le ka fa Lefokong la Gagwe.

¹³⁴ Jaanong, sa ntlha—sesupo sa ntlha A se neileng mo... . . . moporofeti yona wa modisa (lebang), ne a fetola thobane ya gagwe go nna noge.

¹³⁵ Sa bobedi, seatla sa gagwe se ne sa fetoga lepero.

¹³⁶ Sa boraro, go tsaya metsi mo Nokeng ya Nile ko Egepeto, a bo a a fetola madi.

¹³⁷ Jaanong, O ne a mo neela ditshupo di le tharo go rurifaletsa Egepeto, le gape mo go Israele, gore o ne a le Lefoko la Modimo le le builweng.

¹³⁸ Jaanong, gakologelwang, Moshe o ne a biletsha mo tlholegong! Go ntse jalo. Ne a tsaya motlhaba a bo a o latlhela mo phefong, a bo a re, “A go tle matsetse,” mme matsetse a ne a tla. Ne a re, “A go tle dints,” mme dints tsa tla. “A go tle digogwane,” mme digogwane tsa tla. O ne a tlisa mo tlholegong! Jaanong, motho ga a kake a tlhola, fela e ne e se motho go simologeng. E ne e le Jehofa mo modiseng wa Gagwe wa moporofeti! Amen!

¹³⁹ Elang tlhoko! Sesupo sa boraro A se mo naya se ne se sa amane le tiro ya gagwe, kgotsa ebile se ne se sa amane le botho jwa gagwe; sesupo sa gagwe sa boraro. Lemogang, ditshupo tsa ntlha tse pedi di ne di amana nae, ene ka sebele le tiro ya gagwe. Mme e ne e le ditshupo fela di le pedi tse Baebele e buang gore “ne di na le lentswe.” Sesupo se sengwe se ne se sena lentswe. Fela ditshupo tse pedi tse di neng tsa newa go tswa sethong se e leng sa gagwe, ebile di neelwa batho ba gagwe, ne di na le mantswe. Fela sesupo sa boraro, jaanong lemogang, se ne sa newa . . . sesupo,

sesupo sa boraro, e ne e le sesupo sa loso: metsi a fetoga madi. Fa a gago—fa a gago—fa madi a gago a ka fetoga metsi, fong o tlaa swa. Mme fa go nang le madi gone, madi a a tsholotsweng, ke sesupo sa loso; jalo he e ne e le sa ga Faro. Sa boraro e ne e le go fetola metse a Nile go nna madi, e ne e le go supa—go supa Molaetsa wa gagwe ko go Faro gore Modimo wa rona ke Modimo mo godimo ga Nile, mo godimo ga modimo wa Nile. Ene ke Modimo mo godimo ga sengwe le sengwe, ebile O ile go tlisa loso mo setšhabeng seo. Mme moo ke se sesupo sa madi e neng e le sone. Ijoo! Sesupo sa loso se se tlamaletseng: madi!

¹⁴⁰ Fela tse dingwe tse pedi di ne di na le mantswe a seporofeto. (Ke—ke—ke solo fela gore le a bala jaanong, mo gare ga mela, se ke se buang.) Fela ditshupo tse dingwe tse pedi di ne di na le mantswe a seporofeto mo go Iseraele mabapi le isago ya bone. (Jaanong go lona ba le neng le le ko godimo mo thabeng go se bogologolo, fa letlapa le ne le latlhelwa ko godimo.)

¹⁴¹ Jaanong, mme a ileng... o ne a ile go fetola tlholego, go dira gore e ba berekele. Elang tlhoko kota, elang tlhoko nogá, elang tlhoko Lewatle le le Hubidi, le eng le eng se A se dirileng, jaanong. Lebelelang lore leo la modisa le ba direla tsela ya go tsamaya. Thupa eo e e neng e le mo seatleng sa modisa, e ne ya tlola bonnyennyane bongwe le bongwe jwa thutobodumedi le dilo tsotlhe tse baperesiti ba di buileng, mme tsamma eo ya modisa e ne ya ba etelela pele gone go tswelela kong go ralala selo sengwe le sengwe se se sa kgonegeng (mo mothong). Erile Faro a ne a leka go akanya gore “maphothoselo a thuntse godimo ko dithabeng a bo a gasa metsi, a tloga a dira gore a fetoge madi,” fong Modimo o ne a folosa molelo go tswa ko legodimong. Mme O ne a nesa sehako go tswa legodimong, ebile O—ebile O ne a nesetsa dinta mo lefatsheng, le sengwe le sengwe.

¹⁴² O ne a dira eng? Ka thobane eo ya modisa, eseng bu—buka e e balwang, eseng mogopolo wa moithuti wa bodumedi, fela thobane ya modisa! Re tla mo go gone mo motsotsong; thobane ya modisa, O ne a go dira. Eseng bu—buka ya thapelo ya makoko, fela thobane ya modisa. Tsamma ya modisa e kaela dinku tsa gagwe, e dira gore tsela e bonale jaaka di ne di tsamaela ntlheng ya Lefoko le le solo feditsweng mo lefatsheng. A selo se se ntle se se leng teng gompieno sa Thobane ya Modisa, gompieno, e kaela dinku tsa Gagwe go ya Lefatsheng la Tsholofetso; a tlola thutobodumedi yotlhe le sengwe le sengwe se sele sa lefatshe lena, le dilo tsa lefatshe, le makoko, sengwe le sengwe; a bula tsela, ebile a netefatsa Lefoko la Gagwe go bo e le Boammaaruri; Thobane ya Modisa e tsamaela ko pele.

¹⁴³ Mme lemogang, thobane e e tshwanang eo ya modisa e ne e kaela dinku.... A le dumela seo? Ene ruri o ne a kaela dinku, o ne a di golola mo Egepeto ka thobane eo mo seatleng sa gagwe. Re ka bua go le gontsi thata ka ga gone. Fela go ama dintlha kgolo, o ne a kaela dinku a bo a romela katlholo mo go ba ba Le

ganang! Thobane e e tshwanang e e fetogang tshegofatso mo go mongwe, e fetoga phutso mo go ba bangwe. Metsi a a tshwanang (a thero ya ga Noa) a a mmolokileng, a ne a sekisa lefatshe. Thobane e e tshwanang e e neng ya eteleta Iseraele pele go ya lefatsheng le le sololeditsweng, e ne ya sekisa bao ba ba ganneng go latela modisa wa moporofeti. Go ntse jalo, ya fetoga thobane ya katlholo.

Tlholego; lemogang ka fa Modimo a buang mo tlholegong ya Gagwe. Fa re ne fela re na le nako. Ke kwadile ntlha foo: Modimo a bua mo tlholegong ya Gagwe. Ga re na nako go go supa.

¹⁴⁴ Fela go supa morago, ka noga ya kgotlho mo loreng la dinku la modisa (le a neng a tshophelela noga ena go le dikologa, ko gare ga naga), mona go bua ka ga tetlanyo ya nnete e tlela bolwetsi le boleo.

¹⁴⁵ Thobane eo ka boyone e ne e fetogile noga mo pele ga ga Faro, mme Faro yo o tshwanang o ne a leka go etsa ka batshereanyi. Mme bo Faro ba segompieno ba dira jalo gompieno, le baiketsisa tumelo, baiketsisi ba ba senama ba Molaetsa, ba leka go etsa selo se se tshwanang ntleng le go itse kwa se tswang teng; mme ba Se latlhele mo selong sengwe sa makoko, fa Sone se gololesegile mo go gone jaaka phefo e ntse mo go ka tswalelweng. Ruri! Fela ba leka go etsa, ba dira manketso.

¹⁴⁶ Fela, lemogang, thobane e e tshwanang ena ya modisa e ne ya ja dinoga tse dingwe. Dinoga tseo di ne di le ko kae? E ne e le ditsamma mo bodilong, mme go ne ga nna le tsamma e le nngwe fela e e neng ya nopiwa. “Tsoopedi magodimo le lefatshe di tlaa nyelela,” ne ga bua Jesu, “fela Lefoko la Me ga le kake.” Go bua ka ga tetlanyo ya nnete e tlela boleo.

¹⁴⁷ Gape, isago ya Iseraele e ne ya ntsha... mme foo kwa ke buileng ka ga Iseraele, jaanong mo isagong... Koo ba ne ba neelwa kgololo go tswa bokgobeng jwa loso ke modisa wa moporofeti. Ba ne ba ntshiwa mo bokgobeng ke modisa wa moporofeti ka thobane. Lo a bona? Go ne go bua ka ga Mogolodi wa Iseraele wa isago, go tswa mo losong le dihele, ka Moporofeti wa Modisa yo re tlaa buang ka ga ene.

¹⁴⁸ Jaanong, mo go botlhe ba ba... botlhe jaaka re itse Iseraele, ga ba a ka ba amogela Lefoko la modisa wa moporofeti, botlhe ba Iseraele ga ba a ka ba Le amogela. Jaanong, lemogang, ba ne ba ngongorega. “Ao,” nako e a neng a dira metlholo, “e ne e le mogoma yo mogolo,” fela fa go tliwa ko Molaetseng wa gagwe, “moo go ne go farologane.” Ditshupo tsotlhe tse di kgolo di latela molaetsa o moša o o tlangu. Re itse seo. Ko gare ga naga ba ne ba ngongorega, ko gare ga naga, mme ba swa ka dikete. Ka tshosologo, go ne go se ba le babedi fela ba bone ba ba kileng ba rala seo ba ba neng ba bolokwa go tswa mo didikadikeng tse pedi le sephatlo, bobedi go tswa mo didikadikeng tse pedi le sephatlo.

¹⁴⁹ O a re, “Moo . . . Ba ne ba diragalelwā ke eng?” Ba nyeletse ka Bosakhutleng.

¹⁵⁰ “Bone botlhe, Mokaulengwe Branham?” Jesu o buile jalo.

¹⁵¹ Ba ne ba re, “Borraetsho ba jele Mana ko gare ga naga, ebole ba ne ba nwa mo Lefikeng.”

¹⁵² Mme Ene . . . Jesu o ne a re, “Mme bone, mongwe le mongwe, ba sule,” ba lomolotswe ka Bosakhutleng, lo a bona, mongwe le mongwe.

¹⁵³ Lemogang ba ne ba ngongorega ka ga tsela ya Modimo e e tlametsweng, ne e le lebaka le ba suleng. (Jaanong, ka kelotlhoko, lo sekla la fetwa ke ditshwaelo tsena tsa bofelo di le mmalwa.) Ba ne ba ngongorega! Ke eng se se ba dirileng gore ba swele mo gare ga naga, ba ne ba ngongorega ka ga tsela ya Modimo e e tlametsweng: ka Molaetsa wa monna a le mongwe, moporofeti, boeteledipele jwa monna a le mongwe. Mpolelele nako e Modimo a kileng a dirisa setlhophha go etelela pele. Ga o tle go go fitlhela mo Baebeleng. Monna a le mongwe, ba . . . Lefoko le ne la tla ko go Moshe!

¹⁵⁴ Kora; rotlhe re itse gore o—o ne a ikgobokanya a bo a ngongorega ka ga Modimo e leng yo o sa siamang, go dira selo se se ntse jalo, go dira monna a le mongwe ka Molaetsa. O ne a re, “Rotlhe re boitshepo. Goreng re sa kgone go nna le lekoko? Ebile goreng re sa kgone go nna le . . . go tlhoma *sena*, le go dira *sena*, le go dira *sele*?”

¹⁵⁵ Modimo o ne a bolelala Moshe, “Itomolole mo go ene, Ke nnile le mo go lekaneng ga gone.” Mme gakologelwang, Jude o bua selo se se tshwanang, mo metlheng ya bofelo. Go ntse jalo, “Ba nyeletse mo kganelong ya ga Kora.” Re itse gape se se diragaletseng Kora le ba—le ba bangwe ba ba neng ba belaela Lefoko la Modimo le botlhale jwa Modimo jwa boeteledipele jwa monna yo mongwefela yoo: mongwe le mongwe wa bone o ne a nyelela.

¹⁵⁶ Jaanong, re tlaa lemoga Modimo mo moporofeting wa modisa, a supa dithulaganyo tsa gagwe tsa isago mo lentsweng le le latelang la sesupo. Jaanong, elang tlhoko. Re go bona *foo*, jaanong a re go eleng tlhoko mo sesupong se se latelang.

¹⁵⁷ Jaanong, lemogang, o ne a romelwa ko bakaulengweng ba gagwe ko botlhankeng, mo tlase ga bokgoba, ka Molaetsa wa kgololo, ka sesupo se se neilweng ke Modimo go rurifatsa maipolelo a Gagwe. Iseraele e ne ya latela Molaetsa wa gagwe, ba ne ba O dumela, mongwe le mongwe wa bone, fela mo nakong ya maitseboa . . . Ba ne ba latela metlholo ya gagwe, fela mo nakong ya maitseboa erile ba . . . o ne a ntsha Molaetsa wa gagwe, “Go ne go farologane.” Botlhe ba ba neng ba sa dumele Molaetsa, ba ne ba swa. Go ntse jalo. Molaetsa e ne e le eng? Molaetsa e ne e le wa katlholo e e tlang. Mo maitseboeng, mo nakong ya maitseboa, Modimo o ne a tswa go ralala khuduga ya Iseraele go bona fa e

le gore ba ne ba dumetse Molaetsa wa Gagwe wa moporofeti wa modisa; mme botlhe ba ba neng ba sa O dumela, ne ba nyeleta.

¹⁵⁸ Jaanong lemogang, re ile go go tlisa ka ko Modiseng yo Mogolo fela mo metsotsong e le mmalwa. Lo a bona? Lemogang bodiredi jwa Moporofeti yo Mogolo wa Modisa. Ka ga metlholo ya Gagwe, kereke nngwe le nngwe e ne ya bula ebile e ne e tlaa Mo amogela. Ba ne ba batla gore balwetsi ba bone ba fodisiwe. Ba ne ba batla go dira dilo tse dikgolo. Tumo ya gagwe e ne e le kgolo. Fela erile nako ya maitseboa e tlide, letsatsi lengwe morago ga A sena go fetola metsi go nna mofine, ebile a jesitse dikete, senkgwe, ebile a dirile methhlo, O ne a simolola go nna faatshe a bo a bua le bone. Mme O ne a ba raya a re, “Nna le Rrê re bangwefela. Goreng le re, ‘Re bontshe Rara’?”

¹⁵⁹ “Ao, mokaulengwe! Monna yona a itekatekanya le Modimo?” Moo go ne go fetile go akanya ga bone ga kereke. Fela e ne e le Boammaaruri, O ne a le jalo! Lo a bona? Fela erile ba dira, ba le bantsi ga ba a ka ba Mo latela.

¹⁶⁰ Fong O ne a retologa a bo a re, “Ntleng ga le ja Nama ya Morwa motho, le bo le nwa madi a Gagwe, ga lo na Botshelo bope mo go lona.”

¹⁶¹ Jaanong, le akanya gore ke eng se motho yo o ipapanneng, yo o dirisang tlhaloganyo a ka bong a se akantse? Ke gopola baperesiti ba ba neng ba na Nae mo tempeleng ba ne thata—ba ne ba tlhajwa ke ditlhong thata ka ga—ka ga bone ba na Nae foo. “Go akanya gore monna o tlaa emeleta a bo a bua selo se se ntseng jalo, ‘Ntleng ga lona batho le ja Nama ya Me, le bo le nwa Madi a Me.’” Ne ba re, “Mona ke senwamadi sa motho, lo a bona, ‘Le ja Nama ya Me le bo le nwa . . .’ Goreng, ene ke lejabatho. Lona batho ba le akanyang sentle le tlaa . . . le tlaa katoga mo setsenweng se se ntseng jaaka seo.”

¹⁶² Ga a ise a ko a Go tlhalose, O ne a Go bua fela! O ne a go direla go ba kgopa, go kgaoganya dinku tsa Gagwe mo dipoding. O ne a go direla go ba latlha. Mme fong ga go ope yo neng a batla go dirisanya Nae. Ba ne ba sena tirisanyo mmogo go tloga nakong eo go tswelela. Lo a bona?

¹⁶³ Lemogang, mo nakong ya maitseboa, Modimo o ne a tswa go ralala mathibelelo mme a bona yo o neng a dumetse. Mme O ne a dira selo se se tshwanang mo metlheng ya Modisa yo Mogolo. Lemogang bodiredi jwa Moporofeti yo Mogolo wa Modisa, fela lemogang sena, mo badumeding ba Molaetsa wa Gagwe, fela eseng . . . Molaetsa ona wa maitseboa, ba ne ba sa tle go O dumela. Ba ne ba sa tle go dumela gore E ne e le Modimo. Ba ne ba batla go Mo dira monna yo o siameng. Ba ne ba batla go Mo dira moporofeti. E ne e le monna yo o siameng, ebile E ne e le Moporofeti, fela O ne a fetile seo. Moo ke thuto e e tlwaelesegileng gompieno, gore “Ene ke monna fela yo o siameng, e ne e le moporofeti.” O ne a sa sepe se se ko tlase ga

Emanuele! O ne a le Modimo a bonaditswe mo go Jesu Keresete Morwae, go dira Ene le Rara bangwefela. Moo ke gotlhe mo A neng a ka nna gone.

¹⁶⁴ Sakarea 14:7, nka nna ka bua sena, e bua ka ga Masedi a maitseboa le Molaetsa gape kwa nakong ya bokhutlo. A le lemogile seo? Ba le bantsi jaaka ba ba latetseng Moshe, ba ne ba bona Pinagare ya Molelo e e neng ya mo kaya mo Thabeng ya Sinai. O ne a supile, ebile a buile ka ga Pinagare ena ya Molelo e neng e le mo setlhareng mme e ne e mmoleletse Molaetsa ona, ba le bantsi ba bone ba ne ba sa tle go O dumela. Fela ba le bantsi jaaka ba ba mo latetseng go tswa mo Egepeto (ba ne ba tlhatloga go tswa mo lefatsheng mme ba kgabaganya lewatle la tomololo, mme ba ya ko gare ga naga), ba bona Pinagare ya Molelo e e tshwanang (e a buileng ka ga yone) e rurifatsa moporofeti yoo wa modisa go bo e le modisa wa dinku. Ba ne ba E bona, mme ba le bantsi ba bone ba ne ba santse ba sa E dumele fa ba sena go E bona.

¹⁶⁵ Lemogang ka fa, gape, Modimo yo o sekeng a fetoga, Moporofeti yo Mogolo wa Modisa, a neng a isa bone ba ba neng ba ntse le Ene ebile le bodiredi jwa Gagwe ko Thabeng ya Letlhware; Moporofeti yo Mogolo wa Modisa, Ene yo re buang ka ga ene, Jesu. [Fa go sa theipiwang teng mo theiping—Mor.] . . . ? . . . mme a utlwa Rara (Pinagare ya Molelo e e tshwanang) a Mo rurifatsa, yo o neng a rurifatsa Moshe.

¹⁶⁶ Modimo yo o tshwanang yo Moshe a buileng ka ene, a tla mo go Moshe a bo a supa ka Pinagare ya Molelo gore O ne a le Jehofa yo o neng a eteletse Moshe pele. Modimo o ne a le mo moporofeting wa Gagwe wa modisa.

¹⁶⁷ Fano O tsaya Moporofeti yo mongwe wa Modisa, Moporofeti yo Mogolo, Nku ya Nnete, Jesu, mme o tsaya tlhopho ya banna ba le bararo, mme a ba tlhatlosetse ko godimo ga Thaba ya Letlhware, mme foo a rurifatsa Jesu. Mme ebile a Ikgaola mo bathong botlhe ba bangwe, a re, “Yona ke Morwaake yo o ratiegang, Mo utlweng!” Mme erile ba leba ko godimo, ga ba a ka ba bona motho ope fa e se Jesu fela. Go ntse jalo. E ne e le Ene. Jaanong, moo go a go tsepamisa, ka fa ke tshwenyegang ka gone. Lo a bona?

¹⁶⁸ [Fa go sa theipiwang teng mo theiping—Mor.] . . . ? . . . [Fa go sa theipiwang teng mo theiping]. . . ? . . . sefatlhego. Moshe o ne a le mo bolengtenngeng jwa Shekhaena mo Thabeng ya Sinai. E ne ya fetola sefatlhego sa gagwe. Erile a fologa, o ne a tshwanelia go—go baya sesiro mo sefatlhegong sa gagwe, moporofeti wa modisa Moshe; yo Jehofa a neng a le mo go ene, ka bonthhabongwe, bontlhabongwe fela, sefatlhego sa gagwe. O ne a na le Lefoko mo molomong wa gagwe.

¹⁶⁹ Fela lemogang nako e Modisa yo Mogolo a neng a le mo bolengtenngeng jwa Shekhaena. Go ne ga dira eng? Go ne ga

fetola sefatlhego sa Gagwe sotlhe. O ne a se karolo fela ya Modimo, O ne a le Modimo gotlhe! O ne a le Emanuele.

Goreng e ne e tshwanetse go nna badisa?

¹⁷⁰ Lebang! Bonang, jaanong, Modimo Mothatiolhe a paterola... a Itshupa, ke raya moo, mo go Moshe moporofeti wa modisa. Elang tlhoko ka fa Modimo a neng a Ikitsise ka gone. (Ena ke tshwaelo ya me ya bofelo.) Mmoneng, a eme a tloditswe mo bolengtenngeng jwa Pinagare ya Molelo! Go se ope mo thabeng gotlhelele fa e se Moshe le Jehofa. Amen! *Amen* o raya “a go nne jalo.”

¹⁷¹ Elang tlhoko! “Baya seatla sa gago mo sehubeng sa gago!” Fela, elang tlhoko sesupo sena sa bobedi jaanong se na le lentswe. “Baya seatla sa gago mo sehubeng.” Ga re na lebaka go dumela gore Moshe o ne a le molema, jalo he o tshwanetse a ne a baya seatla sa gagwe sa moja mo sehubeng sa gagwe, ka gore banna ka bontsi ba dirisa moja. O ne a baya seatla sa gagwe sa moja... Jaanong elang tlhoko! A setshwantsho se re se bonang fano, sa ga Jehofa mo go Moshe moporofeti wa modisa! Moshe a emetseng Modimo, ka gore Modimo o ne a le mo go Moshe. Mo eleng tlhoko a baya sa gagwe... “Seatla mo sehubeng sa gago.” A sesupo!

¹⁷² Jaanong, ke yoo o eme foo, a beile seatla sa gagwe se segolo mo pelong ya gagwe (a eme *jaana*) kwa diphiri tse di fitlhegileng tsa thekololo di ntseng di fitlhilwe esale motheong wa lefatshe. Fano ke goreng e le badisa. Jesu ke seatla se segolo sa Modimo, rotlhe re a itse. Moshe ke yoo a Mo supa totatota. O ne a tshwere diphiri tsa ga Rara, mme o di re bontshitse. Lemogang, mo eleng tlhoko a goga mo sehubeng sa gagwe seatla sa gagwe se segolo se iteilwe ke lepero le le bolayang. Ne a supa se Modimo a tlaa se dirang ka Seatla sa Gagwe se Segolo. Lemogang, lepero ga le na kalafi. Lemogang, gape, e ne e se fela lepero le le tlwaelesegileng, le ne le le mo seemong sa lone sa bofelo, le le lesweu jaaka kapoko; seatla sa gagwe se ne se iteilwe ke selo se se boitshegang. Ka fa Moshe a tshwanetseng a ne a ikutlwa ka gone fa a ne a goga seatla sa gagwe se segolo mo godimo ga pelo ya gagwe, go tsxa mo sehubeng sa gagwe, mme seatla sa gagwe se ne sa itewa ke lepero! Lepero le kaya boleo, ga le alafesegé, mme bogolo jang mo seemong sa lone sa bofelo.

¹⁷³ Mme, bakaulengwe, ke fa lefatshe le neng le le teng fa Modimo a ne a goga Seatla sa Gagwe se Segolo mo sehubeng sa Gagwe! Lefatshe le ne le iteilwe ke lepero le le bolayang, mme go se kalafi ya lone gotlhelele. Go ntse jalo bosigong jono, ka gore ga ba tle go amogela molemo. Molemo o ne wa dirwa kwa Golegotha, fela batho ba batla go tsaya ditaelo dingwe tse di dirlweng ke motho mo boemong jwa ditaelo tsa Modimo tsa boleo.

¹⁷⁴ Lemogang ga go a ka ga tla ka monokela, jaaka tsela ya lepero e dira, fela ka tshoganetso! Erile a goga seatla sa gagwe,

se ne se iteilwe, se ne se tletse lepero. Lemogang se Modimo a se buileng, “Jaanong, ga le tle go fapogela mo boleong ka monokela; fela letsatsi le le jang ka lone, letsatsi leo le a swa.” Mme go ntse jalo, “Letsatsi le le go jang.”

¹⁷⁵ Lemogang, e ne e le modisa wa moporofeti yo o ikiteileng. O ne a tsaya, ka taolo ya Modimo, a bo a baya seatla se e leng sa gagwe mo sehubeng sa gagwe, a bo a se goga se iteilwe ke lepero. Modisa wa moporofeti o ne a go dira ka boene. Mme Modisa yo Mogolo wa Moporofeti, Jesu, o ne a go dira ka Boene, “Ke baya botshelo jwa Me faatshe, ga go motho yo o bo tsayang mo go Nna.” E ne e le Modisa ya Mogolo, Modisa yo Mogolo wa Moporofeti, “Ga go motho yo o go tsayang mo go Nna, Ke go dira ka Bonna.” Lemogang ga go a ka ga tla ka monokela, go ne ga tla mo motsotsong. Modisa yo Mogolo, ka Sebele, ne a tsaya molato wa rona a bo a Ikitaya, ne a tsaya maleo a rona a bo a baya mo go Ene ka sebele. Ga e kgane mmoki a kwadile:

Gareng ga mafika a a gagogang le magodimo a
a fifalang,
Mmoloki wa me o ne a oba tlhogo ya Gagwe
mme a swa;
Lesire le le bulegang le ne la senola Tsela
Go ya boipelong jwa Legodimo le motlha o o sa
feleng.

¹⁷⁶ Sephiri seo se ne se ntse se le mo sehubeng sa Modimo dingwaga tsena tsotlhe, se bipilwe ke seatla sa Gagwe se segolo, Jesu. Modisa yo Mogolo o ne a tsela molato wa rona mo go Ene ka ntlha ya rona. Isaia 53:6, ne ya re, “O ne a ntshetswa ditlolo tsa rona matsanko. O ne a ketekelwa boikepo jwa rona. Petso ya kagiso ya rona e ne e le mo go Ene. Mme ka dingalo tsa Gagwe re fodisitswe.” Sephiri sa phodiso ya Modimo se ne se ntse mo sehubeng sa ga Jesu Keresete, kgotsa Modimo, O ne a le mo seatleng se segolo sa Modimo, eo ke Nku e le nosi e e neng ya tshola mo sehubeng sa Gagwe sephiri. Leo ke lebaka meriti ya Gone ya pele e neng e tshwanetse ka gale go nna nku! Ga ntlha e ne e le nku, ga bofelo e ne e le Nku. Leo ke lebaka Go neng go tshwanetse go tla ko modiseng, go itse ka fa a ka tlhokomelang Nku ya gagwe ka gone. Le a Go tlhaloganya? Lemogang, “O ne a ntshetswa ditlolo tsa rona matsanko, a teketelwa boikepo jwa rona, petso ya kagiso ya rona e ne e le mo go Ene.”

¹⁷⁷ Lemogang, go ne ga tla ka bonako; ebile go ne ga tloga ka bonako, ka bofeso seatla se segolo se ise se tloswe mo sehubeng la bobedi. Bolwetsi jo bo bolayang bo ne bo ile, fa a ne a se goga la bobedi. Mme erile Modisa yo Mogolo, Moporofeti wa Nku, fa A ne a re... Mo mokgorong wa Golegotha, fa A ne a sena go re duelela tefetso ya boleo rotlhe, O ne a re, “Go wetse.” Boleo bo ne bo wetse, tefetso e ne e duetswe, dikoloto di ne di rarabolotswe! Ga go a ka ga tsaya ngwaga, kgotsa kgabagare ga tla mo go gone

mo metlheng ya motokafatsi mongwe o sele kgotsa sengwe, go ne ga fela gone fong!

¹⁷⁸ Boleo bo ne jwa tla ka motsotso, ka tlolo ya Molao wa Modimo, ka go senya Lefoko le le lengwe. Bosigong jono, bakaulengwe ba me, mowa wa gago wa botho o mo godimo ga dihele mo keetaneng. Mme keetane eo ga se thuto nngwe ya thutobodumedi ya seminari, ketane eo ga se lekoko lengwe kgotsa tumelo nngwe ya kereke e o tshelang ka yone, keetane eo ke Lefoko la Modimo! Jesu o ne a naya sika loo motho Lefoko la Gagwe go tshela ka lone, mme Efa o ne a senya fela kgokagano e nnye e le nngwe ya Lone. Mme ke . . . keetane epe ga e a nonofa go feta go na le kgokagano e e bokoa go feta. Fa o ntsha Lefoko le le lengwe . . . Moo e ne e le lantlha la Buka.

Jesu o ne a tla mo bogareng jwa Buka, a bo a re, “Motho ga a kake a tshela ka senkgwe se le sosi, fa e se ka Lefoko lengwe le lengwe le le tswang mo molomong wa Modimo.” Moo e ne e le bogare jwa Buka.

Bofelelo jwa Buka, O ne a re, “Mang le mang yo o tlaa ntshang Lefoko le le lengwe (a phutholole Lefoko le le lengwe ka go fosa), a ntshe Lefoko le le lengwe go tswa Fano, Ke tlaa tlosa karolo ya gagwe mo Bukeng ya Botshelo.” O feta mo godimo ga dihele, o kaletse mo Lefokong la Modimo. O sekwa wa letlelela mongwe a sukunyetse sengwe mo go wena se e seng GO BUA MORENA!

¹⁷⁹ Ao, ke a bona . . . Sentle, ba re, “Ruri, gotlhe mo re go dirileng. Gotlhe mo re go dirileng!” Moo ke gongwe se baperesiti ba bagolo le bone ba neng ba se akantse mo metlheng ya Modisa yo Mogolo. Moo ke se Efa a neng a se akantse. Moo ke se Satane a se mmoleletseng, “Ruri Modimo ga tle go dira.” Fela O ne a dira, ka gore O ne a re O tlaa dira. Mme leo ke lebaka le A tlaa go dirang gape gompieno.

¹⁸⁰ Ga e kgane, jaaka A a buile, “Jaaka go ne go ntse mo metlheng ya ga Noa, kwa e leng gore mewa ya botho e le ferabobedi e neng ya bolokwa, ka metsi, go tla nna jalo mo go tleng ga Morwa motho.” Lo a bona, ba le mmalwa thata, “Gonne kgoro e pitlagane, le tsela e tshesane e e isang ko Botshelong, mme ke ba le mmalwa ba ba tlaa E bonang.” Go ntse jalo. “Ka gore tsela e atlhamo e e isang ko tshenyegong, ba le bantsi ba tlaa tsena ka yone.”

¹⁸¹ Erile Modisa yo Mogolo a ne a itewa, Moporofeti yo Mogolo wa Nku, erile A itewa kwa morago kwa, O ne a re, “Go wetse!” Mme motsotso oo, ka bonako ya re Modisa yona a itewa, go ne go fedile. Boleo bo rarabolotswe, go ne go sa tlhola go na le boleo. Ba ne ba le phepa, tefetso e ne ya duelwa. Badumedi ba maina a bone a neng a kwadilwe mo Bukeng ya Botshelo, ba tlhomamiseditswe pele go tloga motheong wa lefatshe, go ne ga wela one motsotso oo o Jesu a neng a re go ne go wetse. Ene, Modisa yo Mogolo yoo,

o ne a tletse dinku tsa Gagwe. Go ne go wetse, seatla se segolo sa Modimo se ne sa gogwa mo sehubeng sa Gagwe, se iteilwe. Fong erile ka Paseka O ne a se busa (amen), a se tsosetsa gape ko sehubeng sa Gagwe, a bo a se otlollela ko tlase ko go wena le nna, mo popegong ya Lefoko la Gagwe, go re rekollela ko tshimong ya ko tshimologong kwa e leng gore boleo bo re tsere gone. Sephiri se se fithegileng sa pelo ya Gagwe e kgolo se ne sa senolwa ke Modisa wa Moporofeti. Go ne ga senolwa ke Modisa, Modisa wa Moporofeti.

¹⁸² Ga e kgane dithaba di ne tsa tlola tsa bo tsa thela loshalaba mo letsatsing leo. Ga e kgane letsatsi le ne la fitlha sefatlhego sa lone la bo la goa ka ntlha ya boipelo. Ga e kgane tlholego yotlhe e neng ya gololega; phefo e ne ya tshikinya ditlhare go fitlhela di reketla di bo di reketla, di bo di ipela, di bo di tlola. Di ne tsa bona Modisa wa Moporofeti, mo thabeng, a rekolola leina lengwe le lengwe mo Bukeng ya Botshelo. Mme di ne tsa bona gore tlholego e e leng ya tsone e rekolutsw! Di ne tsa goeletsa, tsa bo tsa tlola. Mme lefatshe le ne la tsena mo thoromong ya lefatshe. Mme dithaba di ne tsa phatloga, mme mafika a ne a wela ko ntla. Mme letsatsi le ne la kotlomela. Mme—mme sengwe le sengwe se ne sa diragala. Jaaka bokopano bongwe le bongwe, fa Modisa a go senolela gore “go wetse!” Foo . . .

¹⁸³ Ke ile ka bona dinakwana tsa go tlola, le dinakwana tsa boipelo, fela go ne go se ope yo o neng a gobala. Dithaba di tsa duma, mme tsone . . . letsatsi le ne la kotlomela, le sengwe le sengwe se ne sa diragala, fela go ne go se ope yo o neng a gobala. Mme ke ile ka boa dikopano kwa thata ya Modimo e neng ya senolelw batho gore ba ne ba “gololesegile mo lefatsheng le dilo tsa lefatshe,” mme boipelo jwa Morena bo ne jwa tlatsa phuthego. Ba ne ba ema ba bo ba goeletsa, mme ba lela, ba bo ba theleta loshalaba ko godimo ga lentswe la bone, ka ntlha ya kgalalelo ya Modimo. Ga ke ise ke bone sepe se tswile mo tolamong, ba ne ba tlhola ba le gone mo tolamong; ka gore ba ne ba lemogile gore, leina la bone le ne le kwadilwe mo Bukeng ya Botshelo ya ga Kwana pele ga motheo wa lefatshe. Modisa yo mogolo wa Moporofeti o ne a ba tliseditse Molaetsa, mme ba ne ba gololwa, Modisa wa Moporofeti. Go sa kgathalesege se magato a mangwe a kereke a neng a se bua ka ga Gone, ba ne ba itse se se neng se diragetse. Fela jaaka badisa bale ba dirile kwa morago kwa, ba ne ba itse se se diragetseng.

¹⁸⁴ Ga go motho yo o nang le tshwanelo go tsena mo lomating le le boitshepo go rera Lefoko go fitlhela a dirile jaaka Moshe a dirile, a kopana le Modimo, ka sebele, mo magatong kwa e leng gore ga go moithuti ope wa bodumedi a ka kgonang go Go nyenyefatsa. Moshe o ne a le koo! Go sa kgathalesege ka fa barongwa ba Israele ba rileng, “ao, e ne e le matlakala, o ne wa akanya fela gore o bone sena; ke matlakala,” o ne o ka se tlose Seo mo go ene, o ne a itse! O ne a le koo! E ne e le ene

yo go mo diragaletseng! Mme ga go motho ope ka di—digarata tsa thutobodumedi kgotsa digarata dingwe tsa ngaka a nang le tshwanelo fa morago ga felo ga therelo, go ipolela Molaetsa wa ga Jesu Keresete, go fitlhela ene pele a kopane le Modimo difatlhego di lebane mo Pinagareng ya Molelo. Ga a na tshwanelo go ipitsa morongwa, ka gore baithuti ba bodumedi bottlhe mo lefatsheng ba ka se kgone go nyenyefatsa Seo mo go wena. Go go diragaletse! O ne o le koo, o itse ka ga Gone. Ga ke kgathale se ope o sele a se buang, kgotsa ka fa ba ka buang thata ba re, “malatsi ao a ile, ga go nna jalo,” wena . . . go go diragaletse, mme go ka fa Lefokong.

¹⁸⁵ Ee, leo ke lebaka le Moshe a neng a itse gore Lentswe lena le le buileng nae, e ne e le Lentswe la Lefoko. O ne a itse gore Modimo o ne a boleletse Aborahama, “Losika la gago le tlaa jaka dingwaga di le makgolo manê, fela Ke tlaa ba golola.” Mme o ne a itse gore dingwaga di le makgolo manê di ne di wetse ebile o ne a bileditswe go go dira.

¹⁸⁶ Banna le basadi, Modimo o soloeditse mo metlheng ena ya bofelo gore O tlaa tshollela Mowa wa Gagwe mo nameng yotlhe. O soloeditse gore O tlaa romela Kolobetso ya Mowa o o Boitshepo, ebile O tlaa bitsa Monyadiwa a sena selabe kgotsa letsutsuba. O soloeditse go go dira, O tlaa go dira. Lo sekla la reetsa badisa bana ba khiro, ba tlaa le timetsa. Mowa o o Boitshepo ke Modisa go le jesa dijo tsa dinku mo Lefokong lena. Go tlhola go tla ka Modisa. Ene ke Modisa wa rona. Mo reetseng, le dinku tsa lesaka la Gagwe; fa le le jalo, le utlwa Lentswe la Gagwe. Eseng se mongwe o sele a se buang, le utlwa se A se buang. Lentswe la seeng, ga le itse sepe ka ga lone.

¹⁸⁷ Ijoo, reetsang moporofeti wa modisa yo o maatla gape, a phutholola ebile a ba itsise, Johane (erile a eme mo nokeng ya Jorotane), lebang se a se buileng (ne a eme foo, a rera), o ne a re, “Oura e etla . . .”

¹⁸⁸ Lemogang, Johane e ne e e morwa moperesiti. Ba ne ba tlhola ba latela ti—tiro ya ga rraabone, eo ke tsela e re nang le maina a rona. Ka eng le eng se ba se dirileng, ba ne ba ba bitsa seo. Mme Johane o ne a tshwanetse go nna moperesiti jaaka rraagwe.

¹⁸⁹ Mme, lo a itse, mmaagwe, erile a sena go ithwala, morago ga Moengele wa Morena a sena go kopana le rraagwe Sakarea, mme a ile gae ko go Elisabetha, mme o ne a setse a le dikgwedi tse thataro mo . . . gore a belege. Fela o ne a ise a nne le botshelo ka nako e, o ne a tshogile ka gore ngwana o ne a ise a sute. Moo ga go a tlwaelesega.

¹⁹⁰ Mme Mowa o o Boitshepo, Moengele wa Morena o ne a bonagalela Marea, mme a mmolela gore o ne a “ile go nna le ngwana, a sa itse monna ope,” a bo a mmolela ka ga seemo sa ga Elisabetha.

¹⁹¹ O ne a tlhatlogela ko dithabaneng tsa Judea, go bolelala Elisabetha. Mme erile a kopana le Elisabetha, o ne a mmolelela gore o “ne a ile go belega.” Mme o ne a sa kgone go go tlhaloganya, “a sa itse monna ope.” Fela o ne a re, “Mowa o o Boitshepo o ntshutifaletse, mme wa re selo se se Boitshepo sena se se tlaa tsalwang ke nna se tlaa bitswa ‘Morwa Modimo,’ mme ke tlaa bitsa Leina la Gagwe ‘Jesu.’” Mme lantlha leina Jesu le ka ba la buiwa mo dipounameng tsa motho, ngwana yo monnye yo o suleng, mo sebopelong sa ga mmaagwe, ne a tlola ka ntlha ya boipelo a ba a thela loshalaba; mme a tlola mo sebopelong sa ga mma, mme o ne a ise a amogele botshelo ka nako eo.

¹⁹² Leina la Jesu Keresete le ne la bua botshelo mo ngwaneng yo o suleng. Le tshwanetse go dira eng mo kerekeng e e ipolelang go bo e tsetswe sešwa?

¹⁹³ Mme re nna re sulafetse jaaka makokoma mo mogabaleng, mme re lettelela dilo tse di ntseng jalo di diragala. Mme le tshaba go emelela le bo le paka tumelo ya lona, mme le kgala matlakala otlhe ana, le dire Jesu Keresete a tshwane maabane, gompieno, le ka bosaeng kae. Ke nako ya Keresemose, tlosang di Santa Clause tsena le dilo, tlogang ka matlakala ao a go dira papadi. Kae le kae kwa le utlwileng ka ga Santa Claus mo Baebeleng? Ke tlhamane ya Maroma, ga go na sepe mo go yone gotlhelele, ga go na selo se se ntseng jalo. Lo sekla la ruta bana ba lona matlakala a a ntseng jaaka ao. Fa letsatsi lengwe o tlaa tshwanelang go mmolelela gore gotlhe e ne e le polelo e eseng boammaaruri, fong o akeditse ngwana wa gago. Mme go tlaa ama bopaki jwa gago ka ga Jesu Keresete, o tlaa re, “Gongwe Ke selo se se tshwanang.” Busetsang Jesu Keresete Modisa yo Mogolo wa moporofeti mo Keresemoseng kwa A nnang gone.

¹⁹⁴ Lemogang, reetsang moporofeti yona, Johane, jaaka a ema foo. Rothe re itse gore e ne e le moporofeti yo mogolo wa modisa. Jaanong, o ne a na le molaetsa, Moengele o ne a itse gore o ne a ile go itsise Jesu.

¹⁹⁵ Jaanong, o ne a sa kgone go ya ko seminaring nngwe. Ba ne ba tlaa re, “Jaanong, o itse gore Ngaka *Semang-mang* ke monna fela go tsaya lefelo le jaanong. O tshwanetse go mo itsise. Mme o itse moo fela . . .” Lo a bona, o ne a ka se tlhakatlhakane le motho.

¹⁹⁶ Fa dingwageng tsa boferabongwe, re a bolelelwa, o ne a ya ko nageng go baakanya fa pele ga Modimo. Moo ke kwa badisa ba tswang gone. Lemogang molaetsa wa gagwe o ne o se jaaka moithuti wa bodumedi, ka mafoko mangwe a matona, tona a a kokomologileng a digarata dingwe. O ne a re, “Ao, lona kokomane ya dinoga.” A bolelala banna ba ba bodumedi, “Lona segopa sa dinoga.” Moo ke se a se boneng ko gareng ga naga, o ne a bone dinoga. Selo se se ko tlase go feta se a neng a kgona go se bona e ne e le noga, mme o ne a bitsa baperesiti le baruti bao ba banna le baithuti ba bodumedi ba motlha oo, “Segopa sa

dinoga!" Ne a re, "Ke mang yo o le tlhagisitseng mo bogaleng jo bo tlang? Lo seka lwa simolola go re, 'Re leloko la *sena*, ebile re leloko la *sele*,' gonne ke le raya ke re Modimo o nonofile ka mantswê ana go tsoetsa Aborahama bana." Mantswê, se a neng a se bone ko gare ga naga. "Gape, selepe se tsepilwe mo moding wa setlhare." Moo ke se a neng a ntse a se bona: dinoga, ditlhare, bogare jwa naga. Mme, lo a bona, moo e ne e le molaetsa wa gagwe. O ne a sa itse mafoko a matona a a kokomologileng a ngaka nngwe e tona ya bomodimo (e neng e kgona go Go nyenyeftsa gotlhe), o ne a rera fela totatota mola wa tlholego.

¹⁹⁷ Moo ke se re se supang fano: thobane ya modisa, modisa, dinku, mola wa tlholego.

¹⁹⁸ O ne a dira eng? O ne a na le selo se segolo go se dira, e ne e le ene yo o neng a tlaa itse Mesia. O ne a re, "Ka re, 'O eme fano mo gare ga lona jaanong. Mme ga lo Mo itse, ka gore thutobodumedi ya lona e le bofagantse thata, ga lo itse fa lo leng teng.'"

¹⁹⁹ Letsatsi lengwe Jesu o ne a tla a tsamaya, o ne a re, "Bonang, Kwana ya Modimo ke eo e etla e e tlosang boleo jwa lefatshe." Kwana! Haleluya! Tetlanyo ya mmatota! Se nku nngwe le nngwe go tswa tshimong ya Etene go fologa e se tshwantshitseng ke seo se etla, Monna yo o tlwaelesegileng a fologeleta noka.

²⁰⁰ Ba ne ba re, "Johane, o Go itsile jang? Ga ke a bona selo se le sengwe se se farologaneng."

²⁰¹ "Fela ke a supa, ke bone Mowa wa Modimo o fologa jaaka lephoi, mme Lentswe le re, 'Yona ke Morwaake yo o Rategang yo Ke kgathhegang go nna mo go Ene.'"

²⁰² Elang tlhoko Lephoi le Kwana. Lo a bona? Eya. Go ka tweng fa e ne e le phi . . . go ka tweng fa e ne e le sengwe . . . Go ka tweng fa e ne e le phiri e eme foo? Sental, Kwana eo e ka bo e ne e sa ya mo godimo . . . kgotsa Lephoi leo . . . Modimo o ne a Ikaya ka lephoi, mo go bonolo go feta ga dinonyane tsotlhе tsa legodimo; Morwae ka nku, mo go bonolo go feta ga diphologolo tsotlhе mo lefatsheng. Lo a bona, nonyane e e phepa ya magodimo, eseng legakabе; eseng lenong. Eseng kolobe, fela kwana. Tlholego epe e sele e ka bo e sa nyalana mmogo.

²⁰³ Mme lemogang fa Lephoi le tla mo Kwaneng, Le ne la Mo etelela pele. Eseng ka tsela e A e ratang, fela ka tsela e Rara a tlaa Mo etelelang pele ka yone. Eo ke tsela e kwana ya mmatota e leng ka yone gompieno. Ao dinku tsa nako ya Keresemose, a ga le itse gore Modimo o etelela pele fela ka Lefoko la Gagwe? Moo ke thobane ya Gagwe.

²⁰⁴ Lemogang ga go sepe se se ka bong se diragetse, fela Johane o ne a re, "Ba bangwe ga ba a ka ba Le bona, fela ke a supa, 'ke Le bone'" A itsise: "Bonang, Kwana ya Modimo e e tlosang maleo a lefatshe."

²⁰⁵ Mma jaanong ke itsiseng Molaetsa wa me wa Keresemose, mme fa ke tswalela jaanong: “Jesu Keresete, yo o tshwanang maabane, gompieno, le ka bosaeng kae.” Ke Kwana e e tshwanang ele. Ene ke Kwana fela mo gontsi gompieno jaaka A ne a ntse ka nako ele. Ene o tshwana fela fano jaaka A ne a ntse koo, gonne Lefoko la Gagwe le a tshwana. “Kae le kae kwa bobedi kgotsa boraro bo phuthegileng teng ka Leina la Me, Ke gona foo mo gare ga bone.” Moo ke totatota se A se buileng. Ga a ke a fetoga, Ene ke Modimo Lefoko. Ga a ke a fetoga; a santse a neela dinku tsa Gagwe, eibile a di jesa ka Moporofeti wa Gagwe wa Modisa, dijo tsa Gagwe tsa dinku pele. Eseng mo mothuting wa bodumedi; mo dinkung tsa Gagwe.

²⁰⁶ Ga di tle... Tse dingwe tseo di ka Di ja jang. Fela batlhalefi... Lemogang sena! Fela batlhalefi le ba ba dirisang tlhaloganyo, ba ba kaisitsweng sentle ba lefatshe, ba santse ba eletsa go re go na le Santa Claus. Mme go na le mehuta yotlhe ya dikinane le dilo tse ba di obamelang, ka gore ga ba tle go Mo amogela, Lefoko; ka gore mo makokong a bone, ga Le tshwanele tatso ya bone, badisa ba ba thapilweng ba motlha. Ba ba thapilweng go tswa ditumelong tsa kereke, ba ba tlaa batlang go le kopanya mo tlase ga podi e le nngwe, lo sekla la go dumela! Ba tlaa le gogela ko sebolaelong. Utlwang Modisa yo Mogolo yo o tsetsweng dingwaga di le sekete le makgolo a ferabongwe tse di fetileng, kgwedding eno. Nako nngwe golo koo, mo Molaetseng wa Gagwe, ne ga tla badisa ba nnete ba ba neng ba itse go tlhokomela nku.

²⁰⁷ Go lemogeng, ba santse ba go eletsa. Ga ba tle Go go amogela gompieno, go tshwana fela jaaka ba dirile ka nako eo, ka gore ga go tshwanele tatso ya bone ya kereke. Ba fetolaka Lefoko leo ba bo ba Le dira gore le tsamaelane le lekgotla la bone, mme ga ba tle go rera Lefoko. Ga ba kake! Ba re, “Sentle, moo e ne e le ga metlha ya baapostolo. Ga go reye sena.” Go raya fela totatota se Le se buang, ga Le tlhoke ope go...?... Le ba phuthollela.

²⁰⁸ Jaanong mpe fa oureng ena re obeleng ditlhogo tsa rona le dipelo tsa rona kwa leroleng lwa lefatshe, mme re ithaganeleng ka bonako ko sejelong, go bona le go amogela Lesedi le Lefoko lena le le tlisang ka Modisa: Modisa yo Mogolo wa Moporofeti, Jesu Keresete Morwa Modimo. Ke buile le lona ka boleele. Ke ka tswa ke sa rulaganya mafoko a me jaaka moruti wa monna a tshwanetse go dira, ga ke leke go dira jalo. Ke leka go Le bua fela jaaka A Le mneela.

²⁰⁹ Fela, a le bona gore goreng e ne e tshwanetse go nna badisa? Ba bangwe ba ne ba katisitswe thata mo kakanyong e nngwe go fitlhela ba ne ba sa tle go Le amogela. Mme gompieno re na le mehuta yotlhe ya baokamedi, monna wa kgaolo, bobishopo, baperesitti, bakhadinale, bomopapa, sengwe le sengwe mo lefatsheng, go leka go re etelela pele. Fela Modimo o re neile Modisa, mme Modisa yoo ke Mowa o o Boitshepo.

²¹⁰ Ntheetseng jaanong. “Mogang Ene . . .” (eseng kakanyo, *Ene* ke leemedi la motho) “Mogang Ene Mowa o o Boitshepo a tlileng (Mowa wa Boammaaruri), O tlaa le senolela dilo tse Ke di le boleletseng, mme o tlaa le bontsha dilo tse di tshwanetseng go tla.” Yoo ke Modisa yo Mogolo, Yoo ke Modisa yo Jesu a mo tlogetseng. Mme Mowa o o Boitshepo o kwadile Baebele, Baebele e buile jalo, “Banna ba bogologolo, ba tlhotlheletswa ke Mowa o o Boitshepo, ne ba kwala Lefoko.” Jaanong, a Mowa o o Boitshepo o ka go gogela ko tumelong ya kereke? A O ka go gogela—gogela ko sengweng se Lefoko lena le sa se bueng? Goreng, go tlaa bo go retela gotlhelele. Mowa o o Boitshepo o tlaa bo a le moaki fa A buile gore “*Mona* ke se le tshwanetseng go se dira,” mme a tloge a retologe a bo a re, “Nnyaya, E ne e le phoso, mme le direng se kereke e reng le se dire.”

²¹¹ Jaanong, fa e le gore o ntse o reeditse sengwe, mongwe a go gogileng mo Modiseng wa mmatota, wa nnete yo o tlaa go etelelang pele ko Lefokong, Mowa o o Boitshepo, mme o sena maitemogelo, ebole o sena bosupi jwa Mowa o o Boitshepo mo botshelong jwa gago, jo e leng gore ntleng . . .

²¹² Modimo o Mongwefela. Modimo ke ene a le nosi yo o nang le Botshelo jo Bosakhutlheng, ebole Ene ke Botshelo jo Bosakhutlheng. Mme sepe se se nnileng le tshimologo se na le bokhutlo. Mme fa o le leloko fela la kereke, go nnile le tshimologo. Fela Lefoko la Modimo ga le na tshimologo, Modimo ga a na . . . Mme fa o tsetswe ke Modimo, o tsetswe ke Lefoko, fong o nna morwa Modimo, mme leina la gago le ne la tsenngwa mo Bukeng ya Botshelo ya ga Kwana pele ga motheo wa lefatshe. Mme wena, mmala wa moriri o o nang nao, mmala wa matlho a o nang nao, sebopego se o leng mo go sone, Modimo o go bone pele ga motheo wa lefatshe. Mme O go bone, motho, jaaka o ntse. Mme le fa go tla dingwaga di le sedikadike ka nako eo, ga go sepe se se ka go kganelang go boela ko setshwanong se se itekanetseng seo se Modimo a se go laoletseng ko tshimologong, “Dinku tsa Me di utlwa Lentswe la Me, moeng ga di tle go mo latela.”

²¹³ Mme fa o ise o amogele Botshelo jo Bosakhutlheng joo, bosigong jono, mme o lebeletse po-po-polelo nngwe ya kinane ya leseanyana le robetse mo se—se—sejelong, le segopa sa banna ba ba botlhale go dikologa, o sekwa dumela dilo tse di ntseng jaaka seo. Mme o leka go akanya gore, “Sentle, ke tlaa siama. Mme ke tlaa dira *sena*. Mme ke tlaa ikopanya le kereke. Mme moo ke gotlhe mo ke tlhokang go go dira.” O latlhiegile. Fa o sena Botshelo jo Bosakhutlheng, o ka be wa tshela ka bosakhutlheng jang?

²¹⁴ O ka tsaya tlhaka ya mmidi, ga ke kgathale ka fa e lebegang e itekanetse ka gone, o ka dir- . . . Maranyane a dirile nngwe, e o ka e segang wa e bula: e na le mohuta wa khawa o o tshwanang, mohuta o o tshwanang wa pelo, didiriso tse di tshwanang tse tlhaka e e godileng mo tshimong e nang natso,

selo se se tshwanang. O ka di tsenya mo laboratharing, mme ga o kake wa farologanya nngwe mo go e nngwe: nngwe e tlaa dira fela borotho jwa mmidi jo bo siameng jaaka e nngwe, nngwe e tlaa dira mohuta o o tshwanang wa di corn flakes. Fela tsela e le nosi e o ka di farologanyang, ke go di katela. Yone e e dirilweng ke motho, e nna foo, e a bola mme ga e ke e tlhatloga. Fela yone e Modimo a e dirileng, e na le peo ya botshelo, e tshela gape.

²¹⁵ O ka nna wa etsa Mokeresete, o ka nna wa ya kerekeng jaaka Mokeresete, o ka nna wa tsenya leina la gago mo bukeng jaaka Mokeresete, o ka nna wa ikopanya le lekokoa jaaka Mokeresete; moo go tlaa bo go siame, fela ntengleng ga Botshelo jo Bosakhutleng joo bo le mo go wena jo Modisa yo o Molemo yoo a bo ntshreditseng Botshelo jwa Gagwe, go lomologanya . . . Erile Modimo a fologa ko Pentekoste, O ne a fologa mo kgolokweng ya molelo jaaka A dirile ko Thabeng ya Sinai, jaaka A dirile mo modiseng wa ntlha, Moshe. Mme erile A fologa, O ne a ikgaoganya ka diteme tsa molelo o o neng tse di neng tsa nna mo go mongwe le mongwe wa bone, Modimo a Ikgaoaganya mo bathong ba Gagwe. Mme fa e se o amogetse seo se . . . Petoro a buileng gore “Ke sa lona, le sa bana ba lona, le bone ba ba ko kgakala.”

²¹⁶ Ditsala, le seka la reetsa tlhamane epe ya thutobodumedi, le tsalweng seswa. Mme fa o ntse jalo, Mowa o o mo go wena ke karolo ya Modimo, ebole o supela Lefoko lengwe le lengwe la Modimo e leng “Boammaaruri.” Fa o sena maitemogelo ao, mpe jaanong re itlhaganeleng ko sejelong, Lefoko. A re itlhaganeleng ko Baebeleng, go tloga mo dikerekeng tsena tse di kgabisitsweng ka go bitswa thutobodumedi, go ya ko sejelong sa mmatota, go ya Lefokong la Modimo kwa Mesia a itsisiweng gone.

Ka ditlhogo tsa rona di obilwe, a re rapeleng.

²¹⁷ Modimo yo o rategang, moo ke gotlhe mo ke itseng go go bua ka nako ena. Re atamela Keresemose, mebila e sukagantswe ke banna le basadi, basimane le basetsana, ba kgarametsa, ba kgorometsanya, ba leka go reka mpho go e busetsa ko mongweng yo o tlaa ba nayang ka go tshwana. Batho ba le bantsi ba ba ipitsang Bakeresete ba ko ntle mo mebileng ba reka disekarete, nnotagi, go nna dimpho tsa Keresemose. Modimo, go lebega okare ba go latlhela gone ko morago mo sefatlhegong sa Gago, ba ruta bana ba bone ka ga kinane nngwe, thutobodumedi ya Maroma, ya boheitane ya ga Moitshepi Nicholas, tlhamane nngwe e e amogelwang motlhofo ke lefatshe, mme ba gana Keresete wa nnete wa Keresemose, Kwana ya nnete.

²¹⁸ Modimo, ke a rapela, bosigong jono, jaaka re obetse ditlhogo tsa rona ko tlase ntlheng ya lerole le O re ntshitseng mo go lone, . . . O ne wa bolelela Aborahama nako nngwe, modisa yo mogolo wa moporofeti, “Tswela ntle, Aborahama, mme o bale mešawa e e leng mo letshitshing la lewatle.”

²¹⁹ Mme o ne a busa lefoko, “Ga e balege, ga ke kgone go e bala.”

²²⁰ Fong O ne wa re, “Leba ko godimo ntlheng ya magodimo, mme o bale dinaledi.” Mme o ne a itse gore moo go ne go retela. Mme O ne wa mo raya wa re, “Losika la gago le tla nna jalo.” Re lebelela molaetsa oo mo moporofeting yoo wa modisa, “go tlogeng leroleng la lefatshe, go ya dinaleding tsa legodimo,” gore ntswa go na le loso mo mebeleng ya rona e e swang go re isa ko leroleng, go na le Botshelo jo bo kgonang go re tlthatlosetsa ko dinaleding.

²²¹ Jaaka O boleletse moporofeti wa Gago yo mogolo Daniele, “Mme ba ba itseng Modimo wa bone, mo metlheng ya bofelo, ba tla dira tse di kgolo. Mme ba ba sokollelang ba le bantsi ko tshiamong ba tla phatsima go gaisa dinaledi ka bosakhutleng le ka bosakhutleng.”

²²² Morena Modimo, Mmopi yo Mogolo, Yo o neng a eleditse thata go tla mo lefatsheng mo popegong ya ga Jesu, go itsise motho se Modimo a neng a le sone. Mme O ne o le Ene yo o nosi yo neng a kgona go tsaya tefetso ya loso, ga go Moengele, ga go kemedi e e neng e kgona go go dira. O ne o le Ene yo o neng wa baya tefetso, mme Wena o le nosi o ka kgona ka tshiamo go e tlosa. Mme o leng Mowa, O ne o ka se kgone go swa. Fela O ne wa dirwa nama gore O kgone go swa; mme wa fetoga Kwana gore O tle o tlose boleo jwa Barekolodwi ba Gago, ba O neng wa tshwanela go ba rekolola ka Madi a e Leng a Gago.

²²³ Ao, poleo e kgolo thata, Morena, e feta mo godimo ga ditlhogo tsa ba le bantsi thata. Go akanya: “Jehofa yo monnye, a ntse mo sejelong, O ne a tshwanela go tshela jaaka ngwana. Jehofa yo monnye, a tsalelwaa mo setaleng. Jehofa yo monnye, a tshameka le bana mo mmileng. Jehofa yo monnye, monana. Jehofa yo monnye, mosimane wa sekolo. Mme Jehofa, Mothati.” O ne wa tsaya mafelo otlhe ana. “Mme fong, Jehofa, Kwana. Jehofa, Moporofeti.” Mme O ne wa fetoga gotlhe ga sena gore O tle o boge tefetso ya boleo, le go re naya Botshelo jo Bosakhutleng.

²²⁴ Re itshwarele, Ao Modimo, rona ditshedi, tse di tlhomolang pelo, tse di sa tshwanelweng tsa lefatshe lena. Re kgobaladitswe bosigong jono, Morena, fa re bala se O se re diretseng, mme re dirile go le gonne thata go leboga. Ka fa O tlang mo metlheng ya baeteledeipele ba batona ba ba bodumedi! Ka fa O neng o etleetsegile go ema le go bonatsa Lefoko la ga Rara! Ka fa O neng o sa mpampetse mo dikakanyotheng tsa bone! Mme gompieno go lebega okare ga go ope yo o batlang go emelela a bo a bitsa Lefoko e ntse e le “Lefoko,” mme a sa mpampetse. Re a rapela, Modimo, O re itshwarele dilo tsena tse re di tlhokomologileng thata. Mme o re needle bosigong jono, mo dipeleng tsa rona, jaaka re di Go naya e le sejelo. Mme re itse gore nako nngwe le nngwe e Keresete yo o Bapotsweng a amogelwa, go nna le tsalo sešwa, go nna le nku e e tsalwang sešwa, go na le kopelo ko Legodimong ka

Baengele. Mo moleofing a le mongwe yo o ikotlhayang, Baengele ba opela gape.

²²⁵ Re a rapela, Modimo, gore fa go na le bangwe fano bosigong jono ba ba sa Go itseng o le Neo ya Modimo ya nnete, o le Mmoloki wa sebelebele, eseng fela ka mogopolo wa thalaganyo, fela ka tsalo seša (ka go tsalwa ke Mowa wa Gago), mma ba O amogele fela jaanong, Morena, ka ditlhogo tsa rona di obilwe. Mme fa go ka nna le mongwe, Morena, yo o sa dirang sena, mma dipelo tsa bone di amogele boipelo jaanong, mme ba fitlhele jaaka badisa ba bogologolo, mo sejelong sa pelo ya bone, Lefoko, Mesia; yo o tlala rurifatwang mo go bone e le Mowa o o Boitshepo, Modisa yo Mogolo wa motlha. Re lopa sena ka Leina la Jesu.

²²⁶ Fa re santse re obile ditlhogo tsa rona, mme ke a tshepa dipelo tsa rona di obilwe, a o tlala rata—a o tlala rata, mokaulengwe wa me yo o rategang, le fa o le leloko la kereke . . . Mme ke solo fela gore ga ke a go kgopisa ka go bua se ke se buileng. Ke . . . Go siame go nna leloko la kereke, re tshwanetse go dira seo, fela, Ao mokaulengwe, o sekä fela wa amogela seo, o tshwanetse o tsalwe sešwa. Moo ke se Modisa yo Mogolo wa Moporofeti a se buileng, “O tshwanetse o tsalwe sešwa.” O ne a raya seo moithuti wa bodumedi, “O tshwanetse go tsalwa sešwa.”

²²⁷ Mme fa o tsetswe sešwa, ga se fela ka gore o a dumela. Ba re, “O tsalwa nako e o dumelang.”

²²⁸ Fela Baebele e rile, “Diabolo o a dumela, le ene.” Jaanong, lemogang, ga se seo, ke maitemogelo.

²²⁹ O a re, “Sentle, ke tshedile botshelo jo bo molemo.”

²³⁰ Baapostolo ba dirile le bone, fela ba ne ba sa tsalwa sešwa go fitlhela ba amogela Mowa o o Boitshepo. Ba ne ebile ba sa sokologa go fitlhela ba ne ba amogetse Mowa o o Boitshepo. Le gakologelwa bosigo pele ga kôkô . . . kgotsa mo kôkông, fela pele ga kôkô e diragala? Jesu o ne a raya Simone Petoro a re, “Fa o sena go sokologa, ka nako eo o nonotshe bakaulengwe ba gago.” Mme Petoro o ne a Mo setse morago dingwaga di le tharo le sephatlo, mme a kgaramaleditse ntlae bodiabolo, ebile a fodisitse balwetsi, a rerile Efangedi, mme o santse (go ya ka Lefoko) a ne ebile a sa sokologa.

²³¹ Jaanong, jaanong a o tlala batla mohuta wa mo—Morongwa yoo mo pelong ya gago bosigong jono? Fa—fa wena ka nnete o batla Seo . . . Ga go dire pharologanyo epe se mongwe o sele a se buang, Ke nnete, mokaulengwe, kgaitsadi. Ke itse seo go bo e le nnete. A o tlala rata, fa tlhogo nngwe le nngwe e obilwe le leitlho lengwe le lengwe le tswetswe, eseng mo go nna, ke motho fela, mokaulengwe wa gago, fela ko go Keresete o tlala tsholetsa seatla sa gago, o re, “Ke dumela Seo. Mme ka nnete ke batla Keresete yoo mo pelong ya me, Keresete wa nnete wa Keresemose”? A o tlala tsholetsa seatla sa gago jaanong? Modimo a go segofatse.

Moo go molemo. Modimo a go segofatse, le wena. Modimo a go segofatse. Ija, diatla gongwe le gongwe.

²³² Mma go diragale, mokaulengwe; mma go diragale, kgaitadi; mma go diragale, tsala ya me; le tladiweng ka Mowa wa Modimo. Go dira pharologanyo efeng se ope o sele a se buang? Gakologelwang, ke botshelo jwa gago. Re ka nna ebile ra bo re se mo lefatsheng mo mosong, ga re na—tlhomamiso epe ya mo go fetang botshelo go na le se re nang le phemo mo dinkong tsa rona jaanong. Re ka nna ra se dire phemo e nngwe, fa e se letlhogonolo la Modimo. Mme go tswa mosola o feng, go sa kgathalesege ka fa o tshetseng molemo ka gone le se . . . ? Jesu o rile, “Ntleng ga motho a tsalwa sešwa, ene ga a kitla a tsena ka gope.”

²³³ Jaanong, ke *mareo* a se go tsalwa sešwa e leng sone, fela mpe re eleng tlhoko fela se se diragetseng mo Baebeleng fa ba ne ba tsalwa sešwa. Petoro e ne e le modumedi, baapostolo e ne e le badumedi, fela ba ne ba sa tsalwa sešwa go fitlhela morago ga Mowa o o Boitshepo o sena go fologela mo go bone ko Pentekoste. Jaanong, ba ne ba ipotsa se se diragetseng, mme Petoro o ne a re, le ba bangwe ba bone, “Lona banna ba Iseraele, a sena se itsiweng ke lona; Jesu wa Nasaretha, monna yo o amogetsweng ke Modimo mo gare ga lona ka ditshupo le metlholo le dikgakgamatsotso, tse Modimo a di dirileng ka Ene; Ene yo o neng a itsilwe gale, ka boikaelelo jo go sweditsweng ka jone le ne la mo tsaya ka diatla tse di bosula mme la mmapola, Yo Modimo a mo tsositseng ebile re leng basupi ba Gagwe. O ne a a tsholola sena se le se bonang ebile le se utlwa jaanong, mme se ka fa Dikwalong.”

²³⁴ Mme fong, erile ba utlwa sena, ba ne ba tlhabega mo pelong ya bone, ba bo ba re, “Banna le bakaulengwe, re ka dira eng gore re bolokwe?”

²³⁵ Petoro o ne a ba raya a re, “Ikothayeng!”

²³⁶ Jaanong, tsala ya me ya Mokhatholike a dutseng fano, ba ke itseng ba le banê kgotsa ba le batlhano ba lona le ntseng fano. Ke ne ke buisana sena le moperesiti wa lona, gongwe eseng moperesiti wa *lona*, fela mongwe wa baperesiti ba Makhatholike, o ne a re, “Jesu o neile kereke thata ya go itshwarela maleo, ‘Mang le mang yo maleo a gagwe le a itshwarelang, bone ba a itshwaretswe; mang le mang yo maleo a gagwe lo a sadisang, mo go bone a setse.’” Moo ke nnete. Fela a re eleng tlhoko ka fa a go dirileng ka gone, ka fa baapostolo ba latetseng tsamaiso ya Gagwe, eseng go ya ka tsela e—e moperesiti a dirang ka yone gompieno.

²³⁷ Fela ke eng se moperesiti wa ntlha, fa le batla go mmitsa seo, Petoro, yo o neng a na le dilotlole tsa Bogosi, o ne a re go dirwe jang? O ne a re, “Ikotlaeng, mongwe le mongwe wa lona, mme le kolobetsweng ka Leina la Jesu Keresete gore le itshwarelw maleo, mme lo tla amogela neo ya Mowa o o Boitshepo. Gonne

tsholofetso ke ya lona, le bana ba lona, le bone ba ba leng kgakala kgakala, le e leng ba le bantsi ba Morena Modimo wa rona a tla ba bitsang.” Mme fa Modimo a santse a bitsa, maitemogelo a a tshwanang ke a gago fa o ka latela taelo e e tshwanang. Fa phuthego ena e dumela Seo, ka ditlhogo tsa lona di obilwe, e reng, “Amen.” [Phuthego ya re, “Amen.”—Mor.] Fong, sepe se se tlhaelang Seo se ganetsa Lefoko, ebile ga se ka fa Modiseng.

²³⁸ Morena Jesu, bone ba mo diatleng tsa Gago jaanong. Ke a rapela gore pelo nngwe le nngwe e e bulegileng e e senang Keresete, Mesia (mme Keresete ke Lefoko, Lefoko le le tloditsweng le bonaditswe), mme fa e gore go na le dipelo dipe tse di bulegileng fano bosigong jono tse di senang Mesia yoo, Neo ya nnete ya Keresemose, Neo ya nnete ya Keresemose e le nosi e e leng teng, e Modimo a e neileng lefatshe, ebile a E kakanyeditse lefatshe ka badisa, ya Kwana ya Gagwe, Tetlanyo ya boleo, mme fa pelo eo e bulegile bosigong jono, bayo mo go yone, Morena, Lefoko la Mesia la gompieno. Re ba neela mo go Wena ka Leina la Jesu Keresete, Morwao. Amen.

²³⁹ A le a Mo rata? A le a Mo dumela? “Batlang pele Bogosi jwa Modimo, le tshiamo ya Gagwe, dilo tsotlhe tse dingwe di tlaa tlalelediwa mo go lona.”

²⁴⁰ Ditsala, pele ga re phatlalala, ke batla go bua sena. Gantsi, ga ke tlhaloganngwe thata. Ke na le Molaetsa go tswa Modimong, mme ke tshwanetse ke bolele Molaetsa oo go sa kgathalesege. Ke a itse ga O tlhaloganngwe. Fa O ne o sa dire, fong E ne e tlaa bo e se Molaetsa wa Modimo; O ne o ka se kgone go nna. Go na le diketsaetsego tse dintsi thata gompieno gore One o sekwa wa tlhoka go tlhaloganngwa. Ke dumela gore Modimo o na le monna mo lekokong le lekgotleng lengwe le lengwe la lefatshe, mme ga se gore ke kgatlhanong le bakaulengwe ba me. Ke tlide fano mo Tucson, dingwaga di le tharo tse di fetileng, mme ka nna le bokopano le lona badiredi golo kwa ga Mokaulengwe Gilmore, mme go ne ga botswa, a ke ne ke “tletse fano go simolola kereke?”

²⁴¹ Ke ne ka re, “Nnyaya, rra. Ke tletse fano go le thusa.” Fela ga ke ise ke botswa ka nako e, mo dingwageng tse tharo. Fela go tshwana fela, ke fano go le thusa. Ke fano go tshwaraganya diatla le lona, eseng go ikopanya le makgotla le lona, fela go tshwaraganya diatla le pelo le lona mo Lefokong la Modimo, go leka go rerela Efangedi mowa mongwe le mongwe wa botho o o timetseng le motho mongwe le mongwe yo o tlhokang yo o mo tlase ga modumo wa mantswe a rona.

²⁴² Ke ineela mo Modimong, bosigong jono, ka pelo ya me yotlhe, ka gotlhe mo go mo go nna. Ga ke na mo gontsi go go aba; Ga ke kgone go tlisa maswalo, mera, le gouta, ka gore ga ke na dipe. Fela gotlhe mo ke nang nago mo Modimo a go nneileng, botshelo jona, ke bo neela ko go Ene sešwa bosigong jono, mo sejelong sa

Lefoko la Gagwe mo pelong ya me; mme ke Mo sololetsa, go ema ka Lefoko leo, fa A tlaa ntetlelela go tshela ngwaga o mongwe, ke ikanyega fela jaaka nka kgona go ema; ke rere bonnyennyane bongwe le bongwe jwa Lone, ke be ke dumele bonnyennyane bongwe le bongwe jwa Lone; jalo he, nthuse, Modimo. A le tlaa dira mo go tshwanang le nna?

²⁴³ Re amogele, Morena. Re amogela Neo ya Gago ya Keresemose, Mesia, Lefoko le le tloditsweng le le rurifatsang Bolengteng jwa Gago bo na le rona, Morena, go sa kgathalesege ka ga tumelo ya kereke kgotsa lekoko. Re a fitlhela, ka borona gompieno, lefatshe le repetlana, mme fano Mesia yo mogolo o ema diatla tsa Gagwe di otlolotswe: Jesu Keresete yo o tshwanang maabane, gompieno, le ka bosaeng kae, yo o dirileng ditsholofetso, gore mo metlheng ena ya bofelo, kereke e tlaa bo e ntse lekgotla thata go fitlhela e tlaa ya mo Laodikea. Mme re a go bona gompieno, Morena.

²⁴⁴ Re ka dira eng, Modimo yo o rategang? Nka dira eng? Nthuse le badisa ba bangwe bana, Morena, go dikologa lefatshe, badisa ba Lefoko, go Le bolela, Morena, mo ngwageng o o tlang ona. Re thusue, Morena, re a rapela. Re neye ga Lorato la Gago le Mowa wa Gago le Lesedi la Gago. Re a ineela bosigong jono mo Lefokong la Gago le pitsong ya Gago. Ka Leina la Jesu Keresete, re amogela Neo ya Gago ya Keresemose: Lefoko la Modimo le dirilwe nama mo go rona. Amen.

²⁴⁵ Ke rata dipina tsa kereke. Paulo o rile, mo Baebeleng, “Erile ke opela, ke opetse mo Moweng. Ke a rera, ke rera mo Moweng. Fa ke . . . eng le eng se ke se dirang, ke go dira gotlhe ka Leina la Jesu Keresete.” Jaanong, e leng gore Mona go ntse go le ngakaladitse . . . Mme ke—ke a le leboga. Ke tla ka Molaetsa ona. Nako tse dingwe go lebega okare ga ke rate fela go O bua, fela ntswa go le jalo ke—ke a tlamega, bakaulengwe. Fa ke sa go dire, ke moitimokanyi. Fa ke sa go dire, ke motsietsi mo segakoloding se e leng sa me, le e e leng ya me—tumelong e e leng ya me mo Lefokong la Modimo. Ke tshwanetse ke go dire, eseng go farologana, fela go nna boammaaruri mo pitsong ya me. Mme ke batla go le thusa lotlhe, ke batla go dira sengwe le sengwe se nka se kgonang.

²⁴⁶ Jaanong a re opeleleng sengwe sa difela tse ditona tsa metlhayotlhe, ke se rata sentle thata, *Ke A Mo Rata*. Lo a itse, ke a dumela fa fela rotlhe re ka Mo rata, re tlaa dira se A se re kopileng go se dira. “Le Mpitsa jang, ‘Morena,’ mme le sa dire dilo tse Ke le laolang go di dira? Le Mpitsa jang, ‘Morena,’ mme fong le sa dire se Ke le boleletseng go se dira?”

²⁴⁷ A le kampa la reetsa modisa yo o thapilweng yo o tlaa reng “kwala leina la gago mo bukeng, mme o ikopanye; jayang selalelo sena, buang sena, mme go siame,” fa Modisa yo Mogolo ka Sebele

a rile “ntleng ga motho a tsalwa sešwa ga a kake ebile a bona Bogosi jwa Legodimo”?

²⁴⁸ Mme lebelelang baithuti bao ba bodumedi ba ba katisweng ba motlha oo, ba katisitswe! Ba le boitshepo? Ba tshela mo go phepa? Ga re na se re ka se tshwantshanyang le gone gompieno, tsela e ba neng ba tshela ka yone. Mme ke eng se Modisa yo Mogolo a ba biditseng sone? Ne a re, “Le ba ga rraeno diabolo,” ka gore ga ba a ka ba... Ba ne ba lemoga Lefoko, fela Lefoko la motlha o mongwe, eseng Lefoko la motlha oo.

²⁴⁹ Fa ba ne ba lemogile nako ya ga Noa, moo go siame, eo e ne e le nako ya ga Noa; fela e ne e ka se bereke mo nakong ya ga Moshe. Mme nako ya ga Moshe e ne e ka se bereke mo nakong ya ga Keresete. Lo a bona? Nako ya ga Lutere e ne e ka se bereke mo nakong ya ga Wesele. Nako ya ga Wesele ga e tle go bereka mo nakong ya ga Mapentekoste. Mme Pentekoste e dirile selo se se tshwanang se bone botlhe ba se dirileng. Jaanong, ke mang yo o nneileng thuso mo metlheng e e fetileng? Ke le boditse.

²⁵⁰ Fa mogwang wa tlhaga o tlhoga, one ke eng? Ke eng... fa mogwang wa korong o tlhoga. Jesu o ne a re, “Ntleng ga letsele la korong le wela mo mmung.” Go diragala eng fa letsele la korong... kgotsa korong e wela mo mmung? Selo sa ntlha se se tlhogang ke mogwang o monnye. Yone e—ga e tshwane le tlhaka e e tseneng. Elang tlhoko tlholego. Ga e tshwane le tlhaka e e tseneng, fela yone ke serwadi sa Botshelo jwa tlhaka. Go tlile eng...

²⁵¹ Modumologi yole yo o fetsang go kwala buka e e tumileng eo, *Modimo Yo O Didimetseng*, e ne ya re, “Go ka nna le Modimo jang yo o neng a kgona go bula Lewatle le Hubidu, mme a eme go ralala dingwaga di le sekete sa dipaka tse di lefifi a bo a bona bana ba ba nnye ba jewa ke ditau, le batho ba kaletse mo mekgorong, ebile ba bolaiwa mo mahalahaleng le dilo, mme a seke ebile a bula molomo wa Gagwe?” Lo a bona, Lefoko ke tshenolo.

²⁵² Korong eo, erile korong eo ya nneta e simolola ko tshimologong, e ne ya retelela Modimo. Mme kgabagare go ne ga tla Korong, mmonatsi wa Modimo wa mmatota, Yo o neng a bonatsa Lefoko la Gagwe lotlhe go fitlha fa e leng gore O ne a le Lefoko. Fong Modimo o ne a Mo naya Monyadiwa ko Pentekoste; fela Monyadiwa yoo o ne a wela mo mmung go ralala dipaka tse di lefifi, fela jaaka korong ya nneta e dirile, E ne ya wela mo teng. Mme goreng e ne e sa kgone go dira? Ka gore e ne e fitlhegile mo mmung, e ne e tshwanetse go bola pele ga e ka tlisa botshelo.

²⁵³ Fela go ne ga tla moperesiti yo monnye nako nngwe, ka leina la Martin Lutere, mme o ne a ungwa Lefoko le le lengwe la Boammaaruri: “Basiami ba tla tshela ka tumelo,” go ne ga tlhoga mogwang; fong mogwang o mongwe o ne wa o latela, Zwingli, mme ga tloga ga tla Calvin le Knox le go tswelella ko tlase.

²⁵⁴ Selo sa ntlha se o se itseng, e ne ya fetola mogwang wa yone, o ne wa nna sebola. Jaanong, moo go ne go lebega ga nnyennyane jaaka yone, fela e ne e santse e se selo sa mmatota se se tseneng mo mmung, go ne ga tla Wesele mo tseleng. Go tswa mo go Wesele ne ga tla kereke ya Methodisti, go tswa mo kerekeng ya Methodisti ne ga tla Nasarine, United Brethren, jalo jalo. Go ne ga dira eng? Go ne ga wela ko morago gape mme go ne ga ungwa, go lebega jaaka tlhaka ya mmatota ya korong jaanong, Pentekoste.

²⁵⁵ Jaanong, elang tlhoko Jesu, mo go Matheo 24:24, “Mo motlheng wa bofelo, mewa e mebedi e tlaa bo e bapile thata ga mmogo go fitlhela go tlaa tsietsa bone Baitshenkewi, fa go ne go kgonega.” Jaanong, erile tlhaka eo ya korong e ungwa, molemi ope wa korong o itse gore moo go ne go lebega jaaka tlhaka e e itekanetseng, ya korong. Fela o nne faatshe o bo o e tseye mo seatleng sa gago, e bule. Ga go na korong mo go yone, ke mhoka. Fela kgakala ko moragorago, mo tlase ga seipone o kgona go bona letlhogela le le nnyennyane, tlhaka ke eo e a tlhoga. Mme fong mhoka oo o tshwanetse go dira eng? O tshwanetse go sireletsa tlhaka, letsatsi le le mogote le tlaa e bolaya, o sireletsa tlhaka go fitlhela tlhaka e godile. Mme fong fa tlhaka e sena go gola, mhoka o somoga mo go yone. Fela, a le ne la lemoga, tlhaka eo ka nako eo e e ungwang, e tshwanetse go nna mohuta o o tshwanang wa tlhaka e e tseneng mo mmung.

²⁵⁶ Morago ga tsosoloso ya ga Lutere, ne ga tla lekgotla. Morago ga tsosoloso ya ga Wesele, ne ga tla lekgotla. Morago ga Alexander Smith, John . . . Alexander Campbell, John Smith, botlhe ba bangwe, ne ga tla lekgotla. Morago ga Pentekoste, go fologela gone ko tlase jaaka selo sa mmatota, fela go ne ga fetoga lekgotla. Go ne ga dira eng? Ga somoga.

²⁵⁷ Re nnile le dingwaga di le lesome le bothlano tsa tsosoloso, ga go ise go itsiwe mo ditsong tsotlhe. Mme elang tlhoko, mo tsosolosong ena ya dingwaga tse lesome le bothlano, E anama le lefatshe, mme ga go lekgotla le le lengwe le le agilweng go tswa mo go Yone. E ne e le ko kae? (E ne ya simolola pula ya morago, e ne ya swa mo go ya yone . . . ka bonako, e ne ya swa.) Go ntse go sena lekgotla le le latelang Ena. Goreng? Ke tlhaka ka Boyone, ga go kake ga nna mo gongwe. Mme mhoka jaanong o a somoga, ga go tirisanyo mmogo, ga go ope yo o go batlang. Goreng go le jalo? Go tshwanetse go nne Seo.

²⁵⁸ Goreng kereke eo e ne e ntse koo? Go E tshegetsa. Kwa . . . Ke mang yo o ka bong a dirisantse mmogo? Ke Baptisti, kgotsa Presbitheriene, kgotsa Lutere efeng e e ka bong e etleeditse letsholo la phodiso ya Semodimo? Jaanong fa Boammaaruri bo tla, go diragala eng? Eseng mhoka; fela Botshelo bo tswela gone ko ntle mo mhokeng, gone go tsena mo tlhakeng, Botshelo jwa nnate jwa mmatota. Lekgotla le ema foo, le a swa, fela jaaka le dirile mo pakeng nngwe le nngwe, le dira mo go tshwanang. Le

tswile mo go seo, dingwaga di le masome matlhano tse di fetileng, mme la boela gone mo go sone gape! Fela Botshelo jwa mmatota bo latela tlhaka, re kwa nakong ya bokhutlo, bakaulengwe.

²⁵⁹ O ne o somogela eng? Gore o kgone go tlisa tlhaka mo pele ga Morwa, go budusa tlhaka gore e butswe mo go segouta ka ntlha ya Morena. Goreng o somogile? Jalo he, go baka dipelo tse di botlhoko, dikeledi, gore ga ba nne mo pele ga l-e-t-s-a-t-s-i, fa e se M-o-r-w-a, gore ba butswele Efangedi ya nnete e e tletseng, go bonatsa sengwe le sengwe se Jesu Keresete a se soloфeditseng mo Baebeleng. Go tlthatloga Mmele gompieno mo gare ga batho. Mme ga go tle go tlhola go nna le makgotla, go tswela gone ko ntle ko go Laodikea yo o humileng. Lekgotla le kokotlegetse ka eng? Didikadike tsa didolara, le didikadike tsa mewa ya botho.

²⁶⁰ Mme Modisa o ne a tlela eng? Go golola bakaulengwe ba Gagwe mo bokgobeng. Ga—ga ke itse; Modimo, a nne le rona, a re thuse. Ithuteng Lefoko! Hukutsang Dikwalo! Mo go Tsone re akanya gore re na le Botshelo jo Bosakhutleng, mme Tsone ke Tsone tse di supang ka ga Boammaaruri. Lo a bona, Modimo o ne a kgaoganyetsa paka nngwe le nngwe Mafoko a Gagwe. Paka ena ka gale...

²⁶¹ Jesu o ne a reng fa A ne a tla? O ne a raya batho bao, “Baitimokanyi ke lona! Le sweufatsa dipota, le bo le aga diphupu tsa baporofeti, mme borraeno ba ba tsentse teng moo. Mme lona le barwa borraeno. Mme ditiro tse ba di dirileng, le tlaa di dira le lona.” Gone ebile go sala go tshwana, bakaulengwe ba me.

²⁶² Fela fa Jesu a tla motsimongwe, Modisa yo Mogolo wa dinku go tswa ko Pentekoste go ralala Lutere go ralala dipaka tsotlhе, tse di amogetseng Lesedi jaaka Le tla ka barwadi (ba sa amogela morwadi, ba amogetse Lesedi; lo a bona, la tima), O tlaa tla go rekolola. Ke itumetse thata gore ke itse gore O etla gape. Ao, a o tlaa balwa le setlhophsa sa Gagwe? A o tlaa balwa? Go na le tsela e le nngwe fela go go dira, eseng ka go ikopanya le kereke, fela ka go tsalwa mo go Ene. “Botlhe ba Rara a ba Nneileng, ba tlaa tla mo go Nna, mme ga go motho yo o ka tllang fa e se fa Rrê a mmitsa.” Lo a bona, moo ke gotlhe mo go leng mo go gone, Go amogeleng. Ene... Moo ke Neo ya Keresemose e le nosi e ke itseng ka ga yone, ke neo ya Modimo e A e neileng lefatshe, Morwae yo o tsetsweng a le nosi. Mme Ene o tshwana, maabane, gompieno, le ka bosaeng kae, Lefoko. Le a bona? Mo dumeleng mo motheng ona, bottlalo jwa Baebele.

²⁶³ Fa masaitsiweng a a supa ao... Morago go ralala Dipaka tse Supa tseo tsa Kereke, go ne go na le masaitsiweng a a fitlhiegileng a le supa. Ke kwala buka ya Gone. Mme moithuti wa bodumedi yo mogolo o ne a nthaya a re go se bogologolo, ne a re, “Mokaulengwe Branham...” Lo bona ka fa Satane a tlaa lekang go go faposa mo tseleng? O ne a re, “Mokaulengwe

Branham, wa itse ke eng? Ke a dumela Morena o tlaa go senolela se re tshwanelang go se dira mo go latelang. Ke go... e tlaa bo e le sephiri sengwe se segolo se se fitlhilweng mo teng mo tlase ga Dikano tsena tse Supa.”

²⁶⁴ Ke ne ka re, “Nnyaya, moo ga se gone, mokaulengwe.”

²⁶⁵ O ne a re, “E tlaa bo e le sengwe se ebile se sa kwalwang mo Lefokong.”

²⁶⁶ Ke ne ka re, “Nnyaya! Nnyaya! O a lebala, ‘Mang le mang yo o tla oketsang lefoko le le lengwe, kgotsa a tlose Lefoko le le lengwe.’” Lo a bona, Go setse go le teng foo, fela batokafatsi ba paletswe ke go Go bona, ga ba a ka ba tshela ga leelee mo go lekaneng go Go bona.

²⁶⁷ Mme paka e wetse jaanong, re gone fano fa Laodikea. Mme gakologelwang, paka ya Laodikea, O ne a le ka fa ntle ga kereke, a kokota, a leka go boela mo teng: Efa o kobetse Atamo wa gagwe ko ntle. Modimo, re thus. Mpe re ye ka kwa ga khuduga go Mmona. A re bogeng ko ntle ga dikgoro le Ene. A re yeng ko go Ene mo losong la Gagwe, mo phithlong ya Gagwe, le mo tsogong ya Gagwe; gonne O tshwana maabane, gompieno, le ka bosaeng kae.

²⁶⁸ A re opeleeng sefela se le sengwe pele ga re tloga. A le tlaa dira? *Ke A Mo Rata*. A o tlaa re neela nnoto, kgaitsadi? Ke ba le kae ba ba itseng sefela sa kgale? Ke... Fa o kile wa nna mo dikopanong, ke a e rata.

²⁶⁹ Jaanong mpe fela re tswaleng matlho a rona, re akanyeng ka ga Jehofa. Ga go ope yo o neng a tshwanelwa, ga go ope yo o neng a ka go dira fa e se Ene. Mme O ne a fologa, mme a fetoga ngwana yo monnye. O ne a tla, e le monana. O ne a nna mmetli, monna yo o berekang. O ne a nna Kwana, O ne a nna setlhabelo. O ne a tthatloga ka phenyo, Jehofa. Mme jaaka Moshe a ne a goga seatla sa gagwe go tswa sehubeng sa gagwe mo pelong ya gagwe, Modimo o ne a goga seatla sa Gagwe mo sehubeng sa Gagwe (sephiri sa Gagwe) Morwae yo o neng a itewa ke bolwetsi jwa boleo, jo bo sa foleng; mme a Se busetsa mo sehubeng gape, a bo a Se somola mme a Se otlollela wena le nna: “Jesu Keresete yo o tshwanang maabane, gompieno, le ka bosaeng kae.”

²⁷⁰ Mo lebeng jaanong.

Ke a Mo rata, ke a Mo rata
Gobane O nthatile pele
Mme a reka poloko ya me
Mo setlhareng sa Golegotha.

²⁷¹ Ke ba le kae ba ba itseng gore e ne e tshwanetse go nna modisa, e reng “Amen.” [Phuthego ya re, “Amen.”—Mor.] E tshwanetse! Goreng modisa? Go ne go tshwanetse go nna. Jaanong fa re opela tema e e tshwanang ena seša gape, otlolla go kgabaganya lomati. Go na le Methodisti, Baptisti,

Lutere, Presbitherine, Khatholike, le botlhe, ba ntseng teng fano bosigong jono. Neelanang diatla, e reng, "Moeti wa mmata, ke itumetse thata go nna fano le wena, bosigong jono." Ba reye sengwe. E re, "Modimo a go segofatse," jaaka re neelana diatla le ba bangwe jaanong. Jaaka re e opela gape jaanong.

Ke . . .

[Fa go sa theipiwang teng mo theiping—Mor.]

. . . poloko ya me

Mo setlhareng sa Golegotha.

²⁷² Jaanong a re tswaleng matlho a rona re bo re tsholetseng diatla tsa rona, mme re Mo opeleleng.

Ke a Go rata, ke a Go rata

Gobane O nthatile pele

Mme a reka poloko ya me

Mo setlhareng sa Golegotha.

²⁷³ Mme jaanong, Modimo ga a popego. Jalo he, a re obeng ditlhogo tsa rona mme re e opeleleng mo menong jaanong, jaaka bana ba ba nnye, le bana ba Modimo. Le sekla la lebelela se lefatshe le ka nnang la se akanya, le a obamela jaanong, le obamela Keresete. Obang fela ditlhogo tsa lona mme le e opeleleng mo menong. [Mokaulengwe Branham le phuthego ba opelela mo menong *Ke A Mo Rata*—Mor.]

²⁷⁴ A ga le ikutlwé okare le ntlaufetse gotlhe? Fela ekete . . . sengwe se phimotse fela pelaelo yotlhe le lefatshe mo go wena? Le ikutlwá ka tsela eo? Tsholetsang diatla tsa lona, "Ke ikutlwá fela ke ntlaufetse gotlhe. Ke ikutlwá ke farologane. Ke ikutlwá okare ke ntse ke ja mo diatleng tsa Gagwe. Ke ntse . . ." Jaaka mokaulengwe fano a pakile, "Dijo, dijo tsa Modisa, dijo tsa dinku." Moo ke Lefoko.

²⁷⁵ Dinku tsa Modimo di ja mo dijong tsa Gagwe, "Motho ga a kake a tshela ka senkgwe se le sosi, fa e se ka Lefoko lengwe le lengwe le le tswang mo molomong wa Modimo." Mme mona ke Lone, Baebele. Re ja mo Lefokong lengwe le lengwe, eseng fela mangwe a Mafoko, fela Lefoko lengwe le lengwe le le tswang. Ao, a go le dire gore le Mo rate? Go akanya gore jaanong re na le Botshelo jo Bosakhutleng! Eseng gore re tlaa nna, *jaanong* re barwa ba Modimo. Eseng re tlaa nna, jaanong! Mme ke go nna ga mmogo mo mannong a selegodimo *mo go* Keresete Jesu. Mme thelebishine e kgolo, e e bolelang gore go na le makhubu a mowa o o phepa a a dirang batho (motho yo o tsamayang go dikologa lefatshe) a itsiwe ka se—ka sekirine sa thelebishine. Lefoko la Modimo le legolo, le Mowa wa Modimo o tsaya Lefoko la Modimo, o bonatsa Jesu Keresete mo mannong a selegodimo *mo* dinkung tsa Gagwe, gore O tshwana maabane, gompieno, le ka bosaeng kae. A ga A gakgametse? O a gakgamatsa! Modimo a le segofatseng.

²⁷⁶ Jaanong a re emeng motsotso fela. A le na le mongwe wa tshegofatso? Jaanong, gakologelwang, ka nako ya Keresemose, obamelang Morena Jesu. Mo obameleング mo Thateng ya tsogo ya Gagwe. Mme fa nka be ka nna thekegelo mo go lona (lona, modisa phuthego wa lona, kereke ya lona, kgotsa sepe), bosigo ga bo ke bo nna lefifi thata, pula ga e ke e na ka mašetla thata.

²⁷⁷ Maloba bosigo (go na le mohumagadi yo o emeng a le teng fano) ke ne ke kgamathetse thata, ka tsaya balwetsi le dilo go fitlhela... Go ne go na le mosadimogolo wa dingwaga di le masome a ferabobedi le sengwe yo o neng a latlhegetswe ke tlhaloganyo ya gagwe, mme o ne a... o ne a akantse ka ga go nna le ngwana kgotsa sengwe, o ne a fapogile tlhaloganyo. Mme Billy, go tswa kantorong, o ne a nteletsa, ne a re, “Ntate, a o ka kgona?”

²⁷⁸ Ke ne ka re, “Ga nkake gone jaanong. Go na le batho...ga ke kgone fela go go dira.”

²⁷⁹ O ne a re, “Ntate, a o ka ya go rapela? Ke tlaa ba bolelela gore o a rapela.”

²⁸⁰ Ke ne ka re, “Ee.” Mme go one motsotso oo o tshwanang oo o ne a itharabologelwa. O ne a thulamela, a tsoga mo seemong sa gagwe se se itekanetseng; a ja dijo tsa maitseboa tse di tletseng, tsa koko, a itekanetse. Motho o ne a eme fano a paka ka ga gone metsotso e le mmalwa e e fetileng.

²⁸¹ Mokaulengwe Mack, ke mmone fano kgantele, golo gongwe mo kerekeng. O fano, mongwe wa badisa phuthego, modisa phuthego wa mo gae. Mokaulengwe yo o rategang thata, mme ke ntse ka gale ke rata Mokaulengwe Mack fa e sale lantilha ke ne ke simolola mo bodireding. Mme fong ke ne ka kopana nae....

²⁸² Mme ke ne ke le kgakala ko British Colombia; mme go le supegetsa fela ka fa Modimo a tlaa dirang sengwe le sengwe sentle. Ke ne ke sentse ke palame pitse, mme ke ne ke boela ko gare ga naga kwa ke neng ka gogela setlhophpha sotlhe sa Maintia ko Modimong; mme ba ne bottlhe ba sokologa, ebile ba amogetse Jesu.

²⁸³ Mme ka seporofeto se se neng se boleletse mosimane wa Mointia yo o neng a latlhegetswe ke petsana ya gagwe, dingwaga tse pedi tse di fetileng, ne sa mmolelela kwa a ka e bonang gone, gore e tlaa nna bokgakaleng jo bo kae, le kwa petsana e tlaa bong e eme gone. Mmaagwe a neng a swa ka tlhaselo ya pelo. O ne a fodisiwa a bo a bolokwa. Mme mosimane yona, a neng fela a tla mme a go bona, ebile a neng a itse gore o...pitse ya gagwe e ne ya fitlhelwa totatota ka tsela e a neng a boleletswe, le sengwe le sengwe.

²⁸⁴ Ga go Lefoko le le lengwe le Morena a kileng a le bua... Ke tlaa botsa ope wa lona, “A Ene... le kile la Mo utlwa a bua sepe, se A kileng a se mpolelela go le bolelela, fa e se se se diragetseng fela totatota?” Fa moo go ntse jalo, e reng “Amen.” [Phuthego ya

re, "Amen."—Mor.] Lo a bona? Lo a bona? Totatota, ga Go ise go palelwe nako e le nngwe.

²⁸⁵ Mme Mokaulengwe Mack o ne a ntse fa lobakeng lwa loso, mme ne ga diragala gore mosadi wa gagwe o ne a leletsa Billy... kgotsa mosadi wa morwaake, mme a mmolelela... a botsa kwa ke neng ke le gone; mohumagadi yo monnye yoo yo o rategang le... mosadi wa gagwe. Mme ene... Mme ngwetsi ya me o ne a re, "O kgakala ko bokoneng jwa British Colombia mo leetong lwa go tsoma."

²⁸⁶ Mme mosong oo, ka tsela nngwe, ke—ke—ke ne fela ke sa kgone go palama pitse eo go tswa. Mme fong Billy ne a re, "Ke a dumela ke tlaa leletsa gae gape." Mme o ne a ya ko paleng go lets. Mme ke bana ba ne ba tla ba sianetse ko morago, fa Mointia yo monnye a eme foo, e nnye...yo o neng a na le petsana, mme ne a re, "Mokaulengwe Mack o ntse fa lobakeng la loso, mme o a go bitsa."

²⁸⁷ Mme ke ne ka tloga, ka ya ka ko sekgweng mme ka khubama. Ke ne ka re, "Modimo yo o rategang, kgakala ko tlase, dimmaele di le dikete tse tharo go kgabaganya lefatsheng le le letsatsi la Arizona, ko Tucson, go mokaulengwe wa me, mme o ntse fa lobakeng la loso. A o tlaa mo thusa?"

²⁸⁸ Sengwe fela se ne sa bua le nna, "Tsotlhe di lokile."

²⁸⁹ Mme erile ke tla ko go Mokaulengwe Mack maloba, go bua le ene, mme ke ne ka mmotsa, "Ke oura efeng e go diragetseng ka yone?" e ne e le totatota oura e e tshwanang e re neng re ile ko thapeleng.

²⁹⁰ Ao, Ene...A ga A gakgamatse! O tshwana maabane, gompieno, le ka bosaeng kae. Ke itumetse thata gore ke nna mo Bolengtengeng jwa Kgosi.

²⁹¹ A re obeng ditlhogo tsa rona jaanong, mme mokaulengwe yo monnye yo o rategang o fano, mokaulengwe wa moanamisa, tsala ya me, leloko la Assemblies of God, mokaulengwe yo monnye yo o rategang fano. Ke mmitsa, "Creechy." O buile dilo tse dintle tseo. Mokaulengwe Creech, ke go bitsa seo. Ga ke itse se ke tshwanetseng go se bua, o mokaulengwe wa me le motlhanka ka nna mo dipitlaganong tsa ga Jesu Keresete mo motlheng ona wa bofelo. Mma Modimo a go segofatse. Mme ke akanya gore Mokaulengwe Tony o rile o ne o ile go phatlalatsa bareetsi ka nako ena, fa re oba ditlhogo tsa rona. Go siame, tlaya.



GORENG E NE E TSHWANETSE GO NNA MODISA TSW64-1221
(Why It Had To Be Shepherd)

Molaêtsa o ka Mokaulengwe William Marrion Branham, o nê wa rêrwa la ntlha ka Sekgowa mo maitseboeng a Mosupologo, Sedimonthole 21, 1964, o rerelwa modiro wa dijo wa Full Gospel Business Men's Fellowship International kwa Ramada Inn ko Tucson, Arizona, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org